



校刻日本外史

源氏
北條氏

三四

リ5
15688
3



15
15688
3



日本外史卷三

源氏正記

源氏下

是月。法皇會諸公卿。論討平氏功。賴朝第一。義仲第二。敘
 義仲從五位下。任左馬頭。除越後守。除行家備後守。二人
 不悅。更除義仲伊豫守。行家備前守。並聽院昇殿。收平氏
 五百餘邑。賜其百四十于義仲。留衛京師。世呼曰旭日將
 軍。義仲生長山野。舉止粗鄙。不任衣冠。為京人所嗤笑。初
 以仁王子為僧。奔越後。稱北陸宮。年十七。義仲奉以入京
 師。八月。法皇以乘輿西奔。京師無主。議立天子。時有高倉

日本外史 卷之三

鹵標

帝皇子二人。叔五歲。李四歲。法皇欲擇而立之。因宣問之。義仲屬意於北陸宮。奏曰。立君重事。非鄙人所敢聞。然辱受咨問。敢不竭情。故三條宮。憤平氏之專橫。欲拔陛下於幽厄。時命未會。殞身鋒鏑。天下悲之。臣之樹功於今日。亦奉遺令也。今議建立。而不及其胤。人心云何。法皇以其嘗為僧。不聽。卜二皇子。叔吉。法皇納寵姬言。欲立李。再卜而立之。是為後鳥羽帝。法皇頗厭義仲。欲召賴朝來京師。義仲爭為不可。弗聽。義仲憤懣。而北兵之糧。四出鹵掠。法皇患之。時平氏在南海。屢侵山陽。行家請討。詔許之。義仲曰。行家雖勇。數奇。不可使將。乃更命義仲。義仲發京

日夜窺背

晰一作

師。以足利義清等為先鋒。閏月。義清與平氏戰于水島。敗死。義仲欲進攻南海。途聞賴朝遣兵且入京師。則引還。有詔止之。不肯。先是。法皇使者至鎌倉。賴朝延見。言曰。平氏棄京師自逃。而義仲行家擣虛入之。乃矜功要賞。敢擇任國胡為者也。臣當疾往伐之。而藤原秀衡等日夜窺背。臣未可以奉詔。且帥大兵入輦下。徒為騷擾。使者歸報。公卿皆想望賴朝風采。爭問狀。使者言。賴朝軀矮而面大。然舉止詳雅。言語明晰。非義仲比也。賴朝又使使奏曰。平氏所侵諸邑。宜盡復其故主。臣等不宜利之。平氏降者。宜從赦宥。臣嚮被宥。故有今日。源平並立。同衛王家。古制為然。自

朝廷視之。何有彼此哉。法皇益屬意於賴朝。屢使使召之。於是賴朝使弟範賴義經監關東貢賦西上。以詞義仲。義仲欲拒之。與行家謀奉法皇於軍。行家素有寵於法皇。密奏之。法皇乃使僧靜憲詰義仲。義仲對曰。孰造此言者。臣徒慨官家之貳於賴朝也。故欲與決雌雄耳。願得賜討賴朝旨。遂詣法皇宮。獻誓書。且請聞執讒人。詔慰解之。十一月。屢詔趣義仲西征。曰。或謂汝之不西。欲謀不良也。義仲對以備東兵。而鹵掠益甚。法皇遣其幸臣平知康詰之。知康善擊鼓。稱鼓判官。義仲曰。鼓判官。反欲為人所擊乎。知康怒。還報曰。義仲反形已成。請討之。法皇聽之。驟徵叡山。

園城寺僧兵。以知康將之。義仲會將上言曰。我有功無罪。何遽至此。我以五萬士馬留衛京師。而官無所給。不剝豪戶。何以生存。然未嘗敢抄掠皇人也。彼鼓乃讒我。以至此。我將擊而破之。樋口兼光。今并兼平。切諫之。勸其詰關降。義仲怒曰。吾自起兵。數十戰。未嘗知有所謂降者。即降。吾反為鼓所擊殺耳。遂令將士曰。吾今日決死。汝輩勉之。勿為賴朝所笑。乃分軍為七隊。圍法住寺。知康上牆。踴躍罵義仲。義仲咄嗟赴之。知康走匿。北兵縱火索之。不獲。遂奉法皇于攝政第。帝于閑院。停公卿以下。至知康官爵。自為院。院別當。先是。義仲娶藤原基房女。於是基房徐開諭之。

奪一作

辭說一
作解說

乃徙法皇于西洞院。自辭其官爵。元曆元年正月，義仲殺從四位下，任征夷大將軍。先是，行家與平氏戰室山，敗。遂據河內。畔義仲。義仲遣樋口兼光將兵擊之，而範賴、義經已至伊勢。橘公友者，往告變焉。遂赴鎌倉。賴朝見公友曰：「義仲有罪，宜詔臣誅之。知康何人也？」焉得與義仲敵。乃檄八州將士西討義仲。而知康來鎌倉，欲自辭說。賴朝戒內外勿為通。知康至，無肯顧者。無幾，何徵兵聚者六萬，乃盡委之於範賴、義經。因令曰：「木曾阻我兵，必於宇治河皆具善馬，可以騎渡。賴朝有駿馬二，曰池月、曰磨墨。梶原景時有龍。其子景季年少銳勇。於是請得池月，以先登。賴朝曰：

乞焉者多，吾不與也。顧範、賴等戰不能克，吾且親往。此吾乘也。乃賜磨墨。諸將士皆發。明日，佐佐木高綱自近江來謁。賴朝問曰：「聞汝在近江，盍直從軍入京乎？」高綱對曰：「臣如從軍，不敢期生。欲一見君訣別，且奉指揮也。馳三日，乃達。臣唯一馬，能不可用。故後期在此。賴朝喜，因謂之曰：『汝能為我先登於宇治乎？』曰：『能。』臣居河上，識其淺深也。於是遂出池月賜之。高綱感喜，謝曰：『君聞高綱未戰而死，則不能先登也。聞未死而戰，則先登者高綱也。拜舞而出。賴朝呼返，戒之曰：『景季等乞焉而不與，汝記之。』對曰：『諾。』時大軍陣于浮島原。景季視羣馬，無過磨墨者，牽而上高丘，誇示

於眾已而有犬嘶聲。畠山重忠曰：池月聲也。何以至此。已而高綱僕牽池月至。過丘下。景季問曰：誰乘。僕對曰：佐佐木氏之乘。景季大愠曰：不圖公之視彼踰我。我寧與彼死。使公喪二良。卽扣刀要路而待。高綱望見之。謂其騎曰：彼非握原邪。公之囑我。殆爲是也。漸近。景季呼曰：四郎久濶。彼乘公所賜乎。高綱哂曰：否。吾患無善馬。欲就公僦借之。聞磨墨已賜於子矣。池月不得命矣。子且然。況於高綱乎。然君事方急。不遑顧慮。遂誘僦人竊之矣。後有責問。子幸救解之。景季色解。笑曰：悔我不竊也。乃與俱西。範賴向勢多。義經向宇治。義仲聞之。議戰守。見兵千騎。乃遣今井兼

平山木義弘拒勢多。根井行親。楯親忠。拒宇治。撤橋板。樹柵。張繩於水中守之。二十日。義經以騎二萬五千至東岸。戒居民避軍。而火其廬舍。以布陣焉。起櫓自登。具筆硯。書將士功最。曰：將以報鎌倉也。將士皆奮欲戰。義經又發令。而軍囂。不聞令。乃取平等院鼓。擗於櫓下。一軍屬耳。義經乃令二萬人中必有善泅者。直前嘗之。我勇士緣橋架防敵。勿使敵射我。泅者爭釋甲而沒。刀截其繩。平山李重。澁谷重助。熊谷直實等。上架而射。射戰良久。有二騎鞭馬亂流而進。先者景季。後者高綱。高綱自後給景季曰：子之馬條慢矣。景季駐馬約條。高綱則超乘而過。上岸自

冠呼坂切

條他刀切

日本外史 卷之三

五

泗似田切

股栗

名。景季踵上義經上功簿。高綱為先登第一。景季為第二。畠山重忠以手兵繼渡。行親射之。中其馬。重忠泅而達岸。揮刀而進。北兵辟易。義經乃以全軍渡。擊大破之。行親搏戰而退。義仲馳使請法皇幸醍醐寺。弗聽。則率兵馳赴其宮。拔刀瞋目。立于階下。具輿趣幸。宮中股栗。會有來告東軍已至木幡矣。義仲馳出。過五條第。訣妻藤原氏。久而不出。有二士諫之。自殺帳前。義仲乃出。遇行親親忠。合其兵。兵僅三百騎。望見東軍。旗幟彌天。曰。吾死矣。諭將士散去。眾請生死相從。義仲乃進。冒東軍。重忠景時等累進。皆潰。義仲驅進。與義經遇。義經以數百騎攢蹄衝擊。因亂射之。

磧七逆切

義仲大敗被創。以殘兵西走。義經使其兵追之。而與重忠等詣法皇宮。大江業忠上宮垣。望見之。曰。義仲復至矣。一宮驚怖。業忠又報以旗號。自別。蓋東兵也。義經踵門下馬。賜言曰。臣源賴朝使者義經也。破賊而至矣。願為奏之。業忠驚喜。跳下。匍匐入奏之。法皇大喜。延六人。列立中門外。見之。使人指問其名。穿赤錦袍者。曰。源義經。被緋甲帶大刀者。曰。畠山重忠。亞重忠者二人。曰。滋谷重助。河越重賴。玄甲者。梶原景季。黃甲者。佐佐木高綱。法皇曰。皆壯士也。因勅護官焉。義仲既敗。欲挾法皇西奔。還至于宮。義經等擊卻之。義仲走。至三條磧。東兵爭要擊之。義仲且戰且走。

殘兵十三騎。重忠復追之。義仲妾曰巴。兼平妹也。有膂力。每從軍。是時。單騎止鬪。重忠欲生得之。注目薄之。攫巴甲袖。巴策馬躍。袖絕。重忠舍之而還。義仲以七騎走。會範賴既破。勢多而入。遠江人內田家吉在其先鋒。巴與之搏。斬其首。以視義仲。義仲歎曰。家吉美而勇。乃投首於女子。不知吾亦終死何人手也。因諭巴遁去。曰。臨死。攜妾。人謂我何。巴請共死。義仲強之。巴乃泣涕辭去。義仲走至粟津。遇兼平。兼平曰。義弘戰死矣。臣未審主公爲何狀。是以脫歸耳。義仲曰。吾宜死於京中。欲一見汝。故忍而至此。身創力竭。可以自殺矣。兼平曰。主公努力。方今平氏在西。佐公

在東。主公盍走保北國。以圖三分。臣請留防敵。主公可以逃也。乃樹旗集潰兵。潰兵稍聚。得數百騎。進衝敵陣。貫而過者三。乃有二十餘騎。範賴以數千騎圍之。義仲奮戰。盡亡其騎。獨有兼平。兼平乃指一邱樹。謂義仲曰。君赴於彼。徐自爲計。臣請拒於此。義仲徑赴邱。馬陷于淖。顧視兼平。箭中額。死。年三十一。兼平方奮鬪。餘八矢。射斃八騎。聞敵中傳呼木曾公死。曰。吾事終矣。卸刀墮馬。自貫而死。東軍振旅。而兼光方破行家。追之紀伊。聞難還京師。其兵道亡。比及鳥羽。有三十騎。東兵赴擊。兒玉黨與之有姻。諭降以歸。請宥死。朝議不聽。義經傳義仲以下首京師。帛書

其警曰賊義仲縛兼光從其後終斬之義仲叔父義廣初防イモリ一口兵敗逃伊勢後為賴朝所攻殺義仲子義高嚮質於鎌倉賴朝妻以女後欲殺之義高覺而遁追捕被斬妻悲慟不食賴朝歸罪於追者斬之欲改嫁女於藤原高保不肯而死義仲妾巴既別義仲釋甲間行歸信濃遇我仲親故具語以故相泣也時年二十八削髮為尼居越後友松所義仲冥福以終身云義仲既死平宗盛自南海徙山陽山陽將士自室山水島二役服從平氏平氏終復福原築城據焉負山臨海イノ名生田為東門イノ名谷為西門勝兵十萬餘繫大艦數千平教經轉戰于備前安藝淡路和泉皆捷

源賴賢子義嗣賴仲子義久居淡路皆為所殺平氏威振關西期犯京師賴朝聞之趣二弟赴伐以二月三日攻一谷範賴以五萬騎向東門梶原景時監軍焉義經以萬騎向西門土肥實平監軍焉以明日為清盛忌辰延至七日先期三日早發義經取丹波路兼行比暮至三草山聞平資盛等七千騎陣山西也召實平議曰夜襲之乎抑待旦也實平未對田代信綱進曰敵謂我恃眾稽留也則急襲之必勝義經曰是得我心即發命僕解慶火沿道民家取明而過夜半至山西急襲資盛資盛果不備大敗走天明令信綱實平以七千騎赴西門而自將精騎三千向鶴越

鷓越者。城後間道也。日暮駐軍。熊谷直實平山。李重在麾下。直實謂其子直家曰。冒險混進。孰後孰先。欲立功者。不若向西門。直家曰。然。此公常先士卒。不可隨也。未知平山子何如。使僕闚之。季重甲冑按刀。獨語曰。誰能先我。僕歸報。直實曰。彼所見亦同我也。乃馳赴一谷。天未曙。薄門自名。季重踵至。敵闢門。二人突入。奮鬪。城兵辟易。季重出。其旗卒乃復入。斬其敵而出。實平信綱皆至。令士卒繼攻。門堅不破。範賴亦令諸軍薄東門。武藏人河原高直與其弟踰柵先登。中箭死。梶原景時使輕卒拔柵。以五百騎入。關既退。顧失景季所在。復入索之。景季在敵中。被髮而鬪。

至赴

顧 音權輔骨

頰 他昂反視也

簾插梅花以自標。景時識見。挈之而出。當是時。平氏專防東西二門。而不圖義經。義經之向鷓越也。路險夜黑。令辨慶索鄉導。辨慶認火光得一人家。見翁媪對坐。告以故。翁曰。小人以獵為業。諳知山路。而今老矣。有一兒。膽氣可用。呼起。從辨慶謁義經。義經執火視之。長身高。顧持獵弓矢。問其齒。曰。十七。義經為冠之。命姓名曰。鷲尾經春。給鎧仗。以為鄉導。問鷓越如何。經春曰。太險。人馬不可行。唯鹿能踰之。義經曰。鹿四足。馬四足。等耳。先眾馳之。至鷓越。則天明。頰視城中。二門戰方酣。義經欲急應之。而懸崖數百仞。如經春所言。眾相目。莫敢進者。乃試驅鞍馬。二下之一傷。

日本外史 卷之三 九

一達義經曰可下矣乃屈其所騎馬後足一鞭而下三千騎皆倣之宵鞍相觸直達城後大呼而入平氏軍駭擾自相擊刺教經等敗走義經縱火乘之烟焰漲城範賴實平破東西門而入三面合擊斬平通盛等十人擒平重衡宗盛奉乘輿航海而逃衆攀舟爭乘斷臂滿舟遂奔讚岐倚田口成良之衆保于屋島九日義經範賴以首虜還京師請徇而梟之不許義經抗疏曰臣父義朝盡忠於保元而爲人所誣誤卒宣詬於獄門平氏昨爲賊勳今爲國賊臣等竭力攻討進不顧死者不獨重王命乃欲雪父恥也臣兄賴朝深存此志今而不見許焉臣等復何所望朝議終

許之三月賴朝以平義仲功敘正四位下遣梶原景時檻致重衡於鎌倉面見使景時將命曰吾非忘相國之德若王命何然不圖公之卒臨此也則至若右大臣氏亦當不日相見重衡請速死賴朝屬之於狩野氏侍以二姬餽酒食焉以平族未夷不輒殺也是月令土肥實平鎮撫山陽道六月奏請任範賴參河守敘從五位下範賴來謝鎌倉置酒勞之八月復遣西征是月法皇以義經任左衛門尉補檢非違使時伊賀人作亂應平氏州守護平賀惟義討平之餘黨竄匿京師義經捕斬之九月賴朝以範賴統西海軍事義經統南海軍事令範賴先發以三萬騎下山陽

道。聞平行盛軍兒島。赴攻陣于藤戶。阻海水望敵。敵招之。挑戰。我兵不能渡。佐佐木盛綱潛問土人以津。夜與俱濟。植竹條爲標而還。旦日敵復挑戰。盛綱躍馬破濤而進。衆從之。擊走行盛。進入周防。是月義經敘從五位下。聽院昇殿。十月賴朝置公文所。以大江廣元爲別當焉。以出政令。置問注所。以三善康信爲執事焉。以決訟獄。令將士曰。凡武門之事。悉奉法皇旨。有不便者。徐分疏之。遂奏曰。方今天下半定。貢賦闕乏。請簡擇國守。撫輯流民。京畿控弦之士。悉從義經。西討平氏。其有功者。宜附臣論賞焉。僧徒帶兵者。宜附臣禁止收取焉。又檄關西諸族。援攻平氏。文治

元年正月。範賴至赤間關。無舟可濟。軍疲糧乏。將士皆思東歸。範賴以書請濟軍食。賴朝答書。因戒範賴曰。在軍務綏撫衆心。慎勿左右耳語。致其危疑。乃至進戰。慎勿犯先帝太后。願使二位尼奉帝而至也。宗盛懼怯。必生得之。範賴諭曰。杵氏給戰艦。木上氏餽糧食。遂進濟海。諮千葉常胤曰。吾聞之家兄。周防通京畿。控宰府。爲西國咽喉。吾今欲令智勇而有衆者居守焉。誰可者。對曰。三浦義澄其人也。乃命義澄固辭不許。範賴以諸軍濟海。踰月。賴朝所給糧舶至。軍益振。與原田種直戰于葦屋浦。大破之。得其子賀摩。先是。義經數請征南海。法皇以京師多賊黨。不許。許

窮一作

先遣其將校。義經奏。曠日彌久。範賴糧盡東歸。而鎮西兵士寢屬平氏。則勢難拔也。乃許之。義經乃戎服抵法皇宮。白曰。自平氏奔竄關西。奪官稅。亂官民。三年于此。臣既奉追討之命。鬼界高麗窮其所至。鑿之而後已。否者不復入王城矣。二月發京師。熾于渡部。東兵不習水戰。人人自危。梶原景時曰。請為逆櫓。義經曰。何謂逆櫓。曰。舳艫皆設櫓。進以舳。退以艫。義經曰。求進而退。兵之通患。乃欲求退乎。曰。宜進而進。宜退而退。良將也。有進而無退。野猪而介者耳。義經變色曰。猪乎。鹿乎。吾不自知。吾唯知進而勦敵為快而已。公若為大將。逆櫓千百。聽公所為。若義經則不欲

也。眾目笑。景時慚。義經遂令將士曰。進而死者從我。退而生者自此去。畠山重忠。熊谷直實。金子家忠。佐佐木高綱等。願從者數百人。將發。逆風俄起。舟艦壞破。乃留修艦。艦成。義經託言落宴。以具糧食。即夜令解纜。時風反而益暴。舟人不肯。義經曰。風順。盍發。伊勢義盛張弓注矢。曰。不用命者射殺。舟人相謂曰。行死。止死。死一耳。乃發。從者五艦。百五十騎。獨置炬於義經舟。乘暗而南。舟駛如射。黎明。達尼子浦。望岸上有赤幟。可三百騎。義經令曰。我馬足瑟縮。不可直用。驅而游之。結束騎焉。勿虛發。以費箭。眾從之。上岸大戰。擒敵將田口良連。其捕虜言。櫻間良遠以

觀一作

五十兵守勝浦城。義經馳抵城。疾攻拔之。進至中山。見一卒齎書京人也。義經問曰。子何之。曰。之屋島。義經曰。吾阿波人。應內府徵者。如聞源氏賊定河。子必途觀之。其兵幾何。卒曰。可六萬。曰。子所齎誰書。曰。六條夫人書。夫人內府妹也。曰。書中何言。曰。吾焉得知之。獨口授我曰。九郎既發京矣。彼真可畏者。以木曾如鬼神。彼一舉取之。君急修城集兵。以為之備。書辭亦如是耳。若公等亦宜亟赴之。曰。諾。且子屢赴屋島乎。曰。然。曰。聞其城甚固。然否。曰。否。潮來則須舟。潮去可騎渡。義經乃叱曰。吾九郎也。奪其書。縛卒于樹。以五十騎疾馳。明日。至屋島。縱火於高松里。平氏大驚。

以為大兵至也。舉族乘舟。而義經已至城下矣。騎能屬者。七人而已。城兵有平有國。呼曰。大將誰。伊勢義盛對曰。九郎判官。曰。是義朝婢子。從鐵賈如陸奧者乎。義盛怒。城兵嘲罵不已。金子家忠令弟近範注箭射殺罵者。義經恐敵知其寡單也。乃縱火燒城。平氏兵皆航更來。迫岸。七騎拒射我兵後者。稍稍來屬。又有州人藤原範忠者。以生兵數騎來。曰。臣曾祖範明。嘗從八幡公戰陸奧者。義經喜。以為先鋒。戰而交退。日既晡。敵以一舟載美姬。插扇子。植之舳。去陸五十步。麾而請射。義經曰。誰命中之者。眾薦下野人那須宗高。義經召而命之。宗高騎而獨出。兩軍注視。宗

扱
取也獲也

高一發斷扇。扇翻而墮。兩軍大呼。平氏兵怒而來戰。義經親擊卻之。追而入海。遺其所執弓于波上。俯欲取之。敵兵爭以鐵搭鈎其胄。義經以刀扞之。鞭扱其弓。從兵呼曰。舍之。義經不聽。終取之。還。從兵曰。君何輕身而重弓。曰。不也。使吾弓如叔父鎮西八郎之弓。則可。否者。是貽敵笑也。宗盛憾失義經。令教經率精兵。迫岸射。義經佐藤嗣信以身蔽義經。輒仆。教經豎菊王。下舟欲斬其首。嗣信弟忠信射殺菊王。扶兄還營。義經親視嗣信。枕之膝。問所欲言。嗣信曰。臣自出陸奥。已委身於君。代君而死。死且不朽。獨不觀君鏖敵。為憾耳。義經泣曰。我鏖敵在旬日。而不及疇汝

勞。嗣信肯謝而絕。是日鎌田光政亦被箭死。義經請僧葬。光政嗣信于高松。贈以名馬。蓋藤原秀衡所贖。宇治一谷二役所騎也。一軍感泣。皆思為義經死。是夜西軍陣屋島故趾。東軍陣高松。東軍皆倦卧。獨伊勢義盛虞敵來襲。徇警徹明。明日義經侵晨復赴屋島。西兵善戰。擊破之。平氏走。保志度浦。義經追擊復破之。因降將言。聞平氏將田口成良遣其子成直。以兵三千徇伊豫。命伊勢義盛往說降之。義經并其兵。使成直作書招成良。成良終送款焉。平氏舟逃志度。而西。義經循陸追之。東軍阻風後發者。悉來屬。軍益振。時三月廿三日也。宗盛欲赴鎮西。範賴以三萬騎

軼

夷質切從後出前也又過也

化蓋切尤宣四年伯芬射王注

一作安田義遠下同按義遠安田義定弟攝淺利與

軍豐後平氏不能入。還泊壇浦。兵艦凡五百艘。熊野湛增河野通信皆來附義經。明日義經以兵艦七百艘大戰海上。西兵殊死戰。我兵少卻。義經勵眾進。和田義盛挺進而射。箭軼二百步。及平知盛舟。知盛使新居親清答射。箭汰義盛胄。傷其後騎。我軍羞之。義經命淺利義遠還射。義遠按其箭曰。幹短且弱。請以我箭。乃注十四拳箭。洞親清胸。而過海三十步。義遠義定弟也。義盛慚憤。迫敵亂射。殺傷甚多。義經以成良言。知宗盛等所在。麾軍萃之。令成良為內應。西軍大敗。教經怒。入我船。薄義經。義經躍入別舟。教經不能及。乃赴海死。知盛以下六人。前後皆死。二位凡懷

搭都合切挂也

養和帝投海。平太后繼投。我兵搭得之。義經使徇曰。赴海者貴人也。我兵勿得辱。於是奉太后以下于其船。遂生擒宗盛。鑿平氏軍。海水為之赤。四月東軍振旅。以俘獲旋。徇之京師。還納鏡。壘範賴留鎮西海。六閱月乃還。賴朝遣使二名西。禁兵士侵掠。事無大小。一奉朝旨行。將士不因其奏而拜衛府官者。不許東歸。詔敘賴朝從二位。五月。檻致宗盛父子於鎌倉。義經護送。行至內海。使父子徒行。七匝義朝墳。六月。至鎌倉。於是賴朝大會諸將士。自坐簾內。而延宗盛於前舍。使比企能員言之曰。賴朝非敢復私仇。乃成王命爾。今日之臨。何幸甚也。宗盛懾伏。請宥死。不許。諷

盟
古玩切

使自殺不解乃復令護送西還更宗盛名末國貶為讚岐
權守斬之于篠原傳首京師梟于右獄斬平重衡于南都
處大納言平時忠於流八月詔使使就義朝墓贈內大臣
正二位是月賴朝奏請以同姓五人補東國諸守特詔任
義經伊豫守兼院廐別當宿衛京師初賴朝擇西征大將
欲試諸弟之材陰以火烙盟器而使諸弟更侍執焉執輒
驚釋獨義經終盟不釋神色自若賴朝是以知其堪事而
心陰畏之梶原景時有寵監義經軍義經不與諮事景時
怒屬範賴畠山重忠初隸範賴憎景時負寵凌人去屬義
經景時益怒寔譖之於賴朝賴朝性忌克平廣常源忠賴

皆以驕傲見誅殺聞義經亦負功自專也稍惡之景時又
爭逆櫓議相啣益甚壇浦之役請為先鋒義經不聽而自
先景時諍罵不已義經怒欲誅殺之景時撫刀曰我知有
鎌倉公而已諸將居間事乃解景時歸鎌倉百方讒之平
時忠為平氏疏屬其從西奔竊贊謀畫及其就擒有簿書
一篋為義經所收時忠與其子謀奪還之以除禍本乃以
女妻義經義經乃還其篋賴朝聞而惡之賴朝方舉一男
而親信其外舅北條時政諸骨肉皆被猜防義經東獻俘
鎌倉至腰越驛賴朝弗許入使時政出受俘義經乃寄書
於大江廣元自訴曰義經代征討之勞上夷國賊下雪家

詞
也
楊
正
切
候
同

恥心竊期褒賞。不圖忽蒙讒言。曠日於此。莫以自明。徒涕泣爾。將永違恩。顏骨肉誼絕。自非先人之再生。誰爲分疏焉。義經幼孤。從母逃匿。流寓諸國。爲氓隸所役。未嘗一日安居焉。然而幸慶忽會。至忝重任。或策馬峻坂。或凌風大海。不敢顧軀命。欲以慰冤魂。伸宿憤。豈有他哉。旣辱五位尉榮。顯何如。而忽遭此厄。憂深悲切。敢上誓書。要之百神。而威猶不霽也。不得不仰公之救護。伏願乘間進說。庶幾亮其無他。卒被恩宥。得享終身之安。不報義經怏怏而西。賴朝聞其怨望也。怒奪其邑。時行家匿京師。義經潛相往來。賴朝遣梶原景季命義經討行家。且詞之。義經稱病間。

日乃見景季。景季反言其病羸狀。景時曰。兩日間廢寢食。以裝病焉。爾賴朝乃召諸將。言曰。誰爲我擊九郎者。九郎亦不負我知耳。而先我昇殿。不告我爲五位尉。車服華侈。翱翔院中。饒有君寵。何不自孫壇浦之役。與太后同舟。又娶平虜女。橫恣如此。不得不誅鋤。誰爲我擊九郎者。衆莫敢答。賴朝不懌。乃命景時。景時辭曰。判官素惡於臣。臣往判官必備之。不若遣其意外者襲之。乃命昌俊。昌俊者。南都僧也。因事在鎌倉。以勇桀見親近。於是授計而西。至京師。去義經堀川第四町。而舍義經。尤其不亟來謁。召而詰之。對曰。臣此行。詣七大寺。欲畢事。然後謁耳。義經笑曰。否。

否。得非以二位旨圖我乎。吾今欲囚汝。顧恐人謂吾為怯也。且汝兄氏使者。吾不可先發。昌俊獻誓書歸舍。義經所幸舞姬曰靜。闖昌俊。謂義經曰。彼將去。四顧第中。而注目於廐。恐有異志。義經不為意。及昏。又告曰。大達塵起。人行距躓。不可不虞也。使二童往訶昌俊舍。久之不還。又使婢走還曰。童駢死于門。門內鞍馬可五十匹。擐甲將騎焉。夜既三鼓。第外大譟。直于第者僅七人。靜急取甲被義經。義經令開門。騎而突出。呼曰。在今日誰敢圖義經者。昌俊與兒玉黨六十餘騎。散而亂射。義經從上。聞變。四午行家亦來救。昌俊終敗走。義經徑詣法皇宮。箭蠟集於冑。而

在籠者三。奏變而還。昌俊逃鞍馬。山僧與義經有故。索獲獻之。義經誚其背誓。對曰。誓者昌俊襲者二位。義經怒。毆其面曰。我面卽二位面。毆我面。是毆二位面也。義經壯之。欲使活還。昌俊請速死。乃斬之。義經行家遂迫請討賴朝。宣旨。公卿皆憚義經。欲權許之。獨藤原兼實不肯曰。賴朝罪未至當討。且命弟討兄。如之何。法皇遂許之。義經僕安達清經。常爲賴朝間義經。於是走報之鎌倉。賴朝方落長勝壽院。聞報曰。可也。畢禮而歸曰。彼殺我使。可以伐也。乃戒諸將束裝曰。旦日將發。小山朝政以下五十餘人。請卽夜發。乃以爲先鋒。命之曰。及我未至。誅彼二兇。後五日。

倚於綺切因也恃也
又与奇同物体不具

親發鎌倉。檄諸道會軍於途。義經聞之。詣法皇。請勅關西兵。援已。法皇許之。補義經九國地頭。行家四國地頭。十一月三日。義經與行家及女婿源有綱等。俱奔竄西海。不知所往。伊勢義盛與義經訣。歸伊勢。襲守護首藤經俊。敗。匿鈴鹿山。經俊攻殺之。賴朝至黃瀨河。聞義經既奔。乃還鎌倉。以朝廷宣討已。許寬不已。法皇乃急宣諸州索義經。未獲也。平氏餘黨又竄匿所在。天下騷然。賴朝患之。大江廣元建策曰。方今大亂初平。關東倚安帥府。而奸豪仗權於諸道。隨起隨討。輒發東兵。則勞費不量。民苦誅求。爲今計者。莫若國司道守護莊園置地頭。所在追捕。則天下可坐

而定也。賴朝大悅。遣北條時政護衛京師。因奏請之。且請課畿內及西南四道。每段五升。以充兵食。朝議從之。賴朝薦家人有功勞者。分爲守護地頭。而身統之。世因稱賴朝曰六十六國總追捕使。賴朝素聞兼實賢且德。其爭院宣也。貽之書曰。賴朝當平賊之熾。孤身舉義。得至奏功。而不敢自專。今亂人乃挾命恃柄。敢規非分。賴朝特恐禍亂之端。復自是起。近日所奏請。非以營私。乃爲天下定亂焉耳。因奏請置議。奏官十人。撰公卿充焉。按治公卿以下。豫東討宣者。二年春。兼實遂爲攝政。四月。賴朝又貽書議。奏官曰。僕生武門。長鄙野。不諳朝章。偶有所奏。願諸公簡之。

通 前漢昭帝紀三年以
前通更賦未入者皆
勿收通文也

專執公平以安天下。至如宣言。或有不便民。亦當盡言焉。
面從非忠也。時北條時定代時政。護京師。獲行家于和泉。
有綱于大和。斬之。十二月。以天野遠景為筑紫奉行。聞行
家義經黨與竄鬼界島。擊平之。先是賴朝奏。以比年軍興。
民不任農。蠲其管內九國通租。遂薄其正稅。而諸國準之。
是歲。又發倉賑。相摸窮民。三年春。遣中原親能大江廣元
等。修開院殿。時輦下多強盜。遣千葉常胤下河邊行平。按
之。寓書於藤原經房。稱鎮壓亂賊。莫若二人。二人至京師。
盜賊悉平。四年六月。造六條殿。五年正月。敘正二位。三月。
修大內。七月。奏請討陸奧藤原氏。以其舍義顯也。義顯即

題一作

稱引一作

義經削籍改名義經之。出京師也。上有于大物浦。遇颶。與
行家相失。匿吉野五日。山僧羣聚捕之。佐藤忠信曰。臣兄
既授命於屋島。臣今亦將代君死。乃佯稱義經亂射。義經
得間逃。至多武峯。又徙十津川。復還匿京師。忠信亦來。匿
而發覺。與吏卒鬪。終自殺。義經乃與妻河越氏及辨慶等
為道士裝。由北陸道奔陸奥。初。義經姬靜。從匿吉野。義經
諭之訣別。使僕齎資送歸京師。僕奪其資。棄靜。靜獨行。風
雪中。為山僧獲。致於北條時政。送之鎌倉。詰義經所在。靜
固陳不知。以其有姪。留之。夫人政子聞其善歌舞。欲一見。
引病不往。賴朝夫妻詣鶴岡祠。召靜命舞。垂簾觀焉。靜固

日本書紀

卷之三

十一

辭強之再三。乃起上場。工藤祐經。搥鼓。畠山重忠。擊銅拍子。靜整衣而進。唱離別曲。又作歌。言慕義經意。眾皆垂泣。賴朝變色曰。賤婢不肯頌我。而敢慕亂人。欲誅之。政子諫止。賜纏頭罷之。祐經與梶原景茂等。俱就靜舍。飲景茂。景時。季子也。醉挑靜。靜怒而泣曰。吾嘗侍豫州。豫州非鎌倉公親弟哉。汝乃公家人。何遇吾亡狀。使公而全友道。汝欲識我面。得乎。景茂大慚。已而分身生男。安達清經受命。奪而戕之。靜見放還。政子厚賜遣之。祐賴朝聞。藤原秀衡舍義經。奏劾其納亂人。院宣讓秀衡。秀衡陳謝。尋病卒。遺言子泰衡等。舉二國聽於義經。以抗賴朝。有院宣使泰衡圖

變色一
作色變

義經。泰衡疑惑。是歲二月。賴朝奏曰。泰衡庇反者。罪與反同。臣請奉王命伐之。因大徵兵。四月晦。泰衡遣兵襲衣川。辨慶經。春等奮戰死。義經手刃妻子而自殺。五月。泰衡乃使使齎義經首來獻鎌倉。賴朝方落鵲岡浮屠。使使止之於途。六月。首至。盛以漆函。醇酒浸之。令和田義盛。梶原景時。檢之。或曰。義經不死。匿在蝦夷。賴朝不復推究。遂奏泰衡負險阻化。不速奉勅。不可不伐。朝議未許。而徵兵稍聚。賴朝諮之大庭景能。景能曰。大將臨事。不顧君命。且泰衡先世為君家人。君討其罪。何須勅。允聚兵徒費。毋為也。賴朝從之。使景能及三善康信等留守鎌倉。分為三軍。常陸

日本外史 卷之三
下總兵自東海道進。千葉常胤八田知家將之。武藏上野兵自北陸道進。比企能員宇佐美實政將之。賴朝自將中軍。以畠山重忠爲先鋒。自東山道直入陸奥。次于多古。小山政光迎犒之。入謁。見一甲士侍。問其名。賴朝曰。此本朝無雙勇士熊谷直家者也。政光曰。此輩單進。與臣等異。故易成名耳。士赴君難。何有彼此。顧其子朝政。朝光曰。汝等亦單進。八月。賴朝進至白河關。泰衡軍于鞭楯。而城厚。檜山北。使庶兄國衡將精兵二萬守之。國衡將金剛秀綱以數千人爲先鋒。山下穿大濠。引遇隈河瀦之。賴朝令重忠赴攻。發卒填濠。朝光挺軍與加藤景廉等進擊。重忠繼進。

大破之。秀綱退合於國衡。日既暮。賴朝令軍中明日攻城。三浦義村葛西清重先登。斃數千人。且日。賴朝親進攻。城甚固。國衡善拒。朝政朝光以下皆殊死戰。呼聲動地。積鏃成堆。朝光與族朝綱豫遣死士七人。自城後冒險入。大呼而射。城兵謂大兵夾擊。則大亂。國衡潰圍北走。和田義盛張弓追之。國衡亦回馬射。義盛先發。中其左膊。國衡傷走。重忠部將大串某追斬之。朝光亦追獲秀綱。泰衡聞敗而遁。賴朝進至國府。東海道軍斬敵將佐藤元治以下十八輩。而來會。賴朝未詳泰衡所在。使朝政等攻物見岡。而自圍誰母城。城兵皆降。乃出令曰。我軍至津雲橋。則敵避之。

膊
匹各切

規方
猶謀也

平泉以死守之。先鋒諸將勿貪功，輕進傷我一士。遂以諸軍進，連破栗原、三迫諸寨。遂至平泉。泰衡已火城遁。使使乞降，不許。九月，進軍陣岡。北陸軍度念珠關，斬敵將田河行文等而來會。兵總三十萬騎，白旗蔽空。泰衡奔蝦夷。至贄柵，其將河田二郎襲殺泰衡，持其首來降。賴朝謂讓之曰：泰衡在吾掌中，何須若力哉？若忘恩規利，大逆無道，乃斬之。命梟泰衡首，而宣旨適至。乃進至厨川。泰衡族俊衡以下悉出降。賴朝出鎌倉四十餘日，而平陸與出羽乃索其版籍，皆罹兵燹。既聞實俊、實昌者諳州事，召見之，使圖其所記，以知其戶口阨塞。復流民，賚老人，放俘囚，禁鹵掠。

擅セ
時戰切

取糧於上野，下野毫不累土人。乃至國府，大書其廳曰：國法一切仍秀衡之舊，勿得更革。令葛西清重留隆州事，使使奏捷，謝其擅伐，簿上將士功，請分予二州地。十月，還鎌倉。十一月，法皇欲賞其戰功，遣大江廣元辭之，請賑貸陸奧窮民。十二月，法皇封賴朝以伊豆相，摸促朝京師。先是，出羽留守檢邑將廢間田賴朝禁止之，以安人心。已而泰衡舊臣大河兼任在出羽，聚數千人，詐稱源義經，木曾義高、建久元年正月，轉入陸奥。由利維平逆戰，死之。清重上變，使者謬報曰：由利維平走。橘公成死。賴朝曰：維平非走者，公成非死者，驗之果然。乃令上總介足利義兼與千葉

常胤比企能員將兵伐之。小山朝光以下邑陸奧者道會之相摸以西。與兵待命。曾從降者勿斬。二月義兼等與兼任戰于栗原。大敗之。兼任卻阻衣川陣。義兼等亂流。又大敗之。清重率州兵來會。兼任逃之外濱。壘于兜昧山。義兼等圍而鑿之。兼任脫走。踰龜山。為樵夫斧殺。賴朝責出羽留守失政。罰甲二百。賴朝以天下全定。乃議入朝。重忠為前隊。常胤殿之。十月發鎌倉。由海道入朝。途過內海。謁義朝墓。至青塚。召女延壽。先是延壽聞賴朝起。返致其所託刀截鬚。於是相見道舊故。十一月入京師。居六波羅。先謁法皇。即日朝帝。帝直授權大納言。尋兼右近衛大將。法皇

待之甚厚。每入見。漏數刻不許出。十二月辭兩職。賜大功田百町。薦功臣十人。拜衛府官。使藤原高能留守六波羅。而辭歸鎌倉。凡往還所需。不累百姓。遠近悅服。二年正月。改公文所。稱政所。凡事以政所下文行。二月。修法住寺殿。冬。法皇弗豫。賴朝齋戒禱祈焉。三年三月。遂崩。賴朝因大張法會。施浴於民一百日。七月。天皇詔以賴朝為征夷大將軍。使中原景能就拜之。賴朝曰。吾為武臣。敢坐受王命乎。使三浦義澄迎天使于鶴岡祠。受詔書。思其父死義以榮之也。四年正月。定將士座次。四月。獵于那須野。五月。大獵于富士野。長子賴家從焉。獵罷將還。伊藤祐成者與弟

獵罷一作賴朝

時致夜入工藤祐經舍所殺之。會雷雨。士卒出鬪。多死者。遂斬祐成。時致犯幕被捕。且日賴朝親詰之。蓋祐成父祐泰嘗爲祐經所殺。奪其曾我莊。故復仇也。賴朝問何犯吾幕。曰。吾祖祐親將軍仇之。吾仇祐經將軍寵之。吾是以怨焉。賴朝壯之。思宥其死。祐經子哀訴。乃處斬。復曾我莊租以弔二孤。二孤之變。鎌倉訛傳。賴朝遭害。夫人駭悲。範賴曰。安之。範賴在焉。賴朝聞而惡之。初義經負功專恣。而範賴每事稟賴朝。及義經反。令範賴討之。固辭不許。將發。入見。賴朝曰。汝亦爲九郎之貳舞者。範賴大懼。不敢發。獻誓書千通。至是又獻焉。就大江廣元謝失言。賴朝見其誓書。

署源範賴曰。稱姓溫也。使者辯之。不釋。賴朝夜聞床下有人氣息。急呼衛士。結城朝光發床。獲一人。乃範賴力臣當麻也。曰。臣視參州憂迫。欲聞幕中之議耳。掠治之。無異辭。八月。遂命狩野氏。拘範賴于伊豆修禪寺。其羣臣相聚。據濱館。遣兵夷之。梶原景時勸殺範賴。以其手兵五百襲之。範賴射殪十餘人。縱火自殺。五年八月。安田義定亦被殺。義定子義資嘗批賴朝侍女。爲景時所發。處斬。義定坐免。憤怒。有告其反者。於是殺之。六年三月。賴朝與政子賴家赴南都。落東大寺。寺嘗爲平氏所燒夷。法皇修之。賴朝爲給其資。令僧文覺司役。慶以馬千匹。遂朝京師。踰月而歸。

時平賀義信爲武藏地頭。百姓便之。賴朝揭其廳曰。凡守國者。當則義信。八月。令東國地頭有匿奸盜者。皆奪其職。以予捕獲者。七年六月。平知忠者。聚兵京師。謀襲賴朝。妹夫藤原能保。能保初請賴朝。延後藤基清自衛。於是基清攻殺知忠。平氏餘黨於是悉平。八年十二月。賴家敘從五位上。爲右近衛權少將。九年十二月。稻毛重成修相摸川橋。賴朝親臨落之。歸墮馬疾作。明年正月。遂薨。年五十三。賴朝年三十三起兵。六歲夷平氏。握天下兵馬者十五年。乃歿。詔以賴家爲右近衛權中將。總天下守護地頭。是歲。正治元年也。賴家年十八。北條時政以外祖執政。不使賴

狎
胡甲切

家親聽訟。獨與其狎臣五人游處。寢淫縱。母政子驟戒之。不悛。時政如不聞知也。賴家有弟曰千幡。爲賴朝所愛。嘗置之懷中。召宗族諸將囑之。小山朝光與焉。及賴朝薨。朝光欲爲削髮。以有遺託未果。一日。衆言其意。梶原景時讓之於賴家曰。朝光有忠臣不事二君之語。恐有異志。朝光聞而自危。問計於三浦義村。義村。義澄子也。固善朝光。乃與和田義盛。安達盛長以下六十六人。俱罪狀景時。因大江廣元上焉。廣元欲其和解。不敢上。義盛促廣元。廣元以實對。義盛責之。乃上。賴家以其疏。示景時。景時奔其邑一宮。無何。潛還鎌倉。賴家命義盛等逐之。毀其第。景時據邑。

聚兵欲擁武田有義為將軍。約至京師舉關西兵。有義者信義子也。二年正月。景時舉族西奔。賴家遣兵追之。景時至狐崎。為土豪吉香某所鑿殺。眾快之。景時終賴朝世。信寵不衰。建久中。熊谷直實與久下直光爭疆而訟。直實口訥不能辯。怒曰。景時黨直光。臣無所望矣。走出。拔刀斷髮。西奔京師。賴朝使人遮止之。而不問。景時義盛有疾。景時借其士所別當。而遂不還焉。至是。義盛乃得復職。建仁元年正月。越後人城長茂作亂於京師。襲小山朝政第。朝政時從。幸不在。其兵拒卻之。賊圍上皇宮。請討。賴家宣不許。奔匿吉野。賴家下令急索。二月。獲而誅之。長茂姪資盛據

鳥坂反。賴家命佐佐木盛綱伐之。盛綱適出。在其門外。命至。不入家而發。三日至鳥坂。其子盛季先登。資盛逃亡。其姑曰板額。醜而多力善射。遂被虜。送到鎌倉。淺利義遠請娶之。賴家問其意。對曰。欲使生勇士。以益於君耳。賴家笑而聽之。賴家累遷。是歲七月。終襲征夷大將軍。敘從二位。五月。有告叔父全成在阿野謀反。使武田信光捕放之。常陸尋命八田知家殺之。當是時。幕政無大小。皆決於時政。其族黨半於一府。賴家受制。心不能平。八月。賴家有疾。政子與時政議。令傳總守護于其長子一幡。而割關西三十州地頭。以予一幡。一幡外祖比企能員。因其女謂賴家

曰。近日之議。分權起爭。不便莫大焉。賴家亦憤北條氏所
為。密召能員於卧内。與計事。政子側耳障外。聞之。使人馳
告於時政。時政與其黨謀之。伏甲而託事召能員。能員子
弟皆曰。毋往。即往。以兵自備。能員曰。是啟釁也。彼何有他
意。遂往。甲起殺之。從者走歸。告之。其子宗員。宗員舉族奉
一幡。據小御所。時政遣長子義時。率諸將攻之。宗員等奮
擊。卻之。畠山重忠。選兵疾攻。宗員力盡。焚第自殺。遂悉夷
其族。并殺一幡。諸與能員親善者。皆見誅。竄賴家。病間聞
變。大恨怒。時政歸罪於仁田忠常。殺之。忠常。及能員者也。
既而宣言。賴家與忠常圖已。遂迫賴家削髮。幽之修禪寺。

以千幡代之。賴家幽囚無慘。寄書於母與弟。請得故近臣
數人侍已。不答。遣三浦義村視察之。禁其通書。明年七月。
時政遣人圖之。憚賴家趨捷。候其浴圍之。飛短約首以殺
之。年二十三。子一幡。先卒。猶有二子。長者四歲。政子使千
幡養之。遂為僧。曰公曉。次者曰千壽丸。為中務丞。某所養。
千幡十二歲而立。詔敘從五位下。襲征夷大將軍。賜名實
朝。居北條氏第。下令安撫諸將。徵誓於京畿西國將士。遣
武藏守平賀朝雅。率關西地頭。監護京師。元久元年。三月。
伊賀伊勢盜起。伊賀守護首藤經俊逃走。實朝令朝雅討
之。獲盜魁平基度。平盛時。乃奪經俊職。授於朝雅。朝雅。義

走一作去

信子也。與畠山重忠皆娶時政女。而朝雅所娶。其後妻牧氏出也。以故時政偏愛朝雅。寢惡重忠。終欲殺之。誣以謀反。令二子義時時房攻殺重忠子重保其第。時重忠在其邑。時政遣人給告鎌倉有難。宜赴援。重忠即從百餘騎而發。中途望見大兵蔽野而來。始知其誣。部下交勸其據邑聚兵。重忠不肯曰。吾不做梟原景時之苟免而貽讎也。奮戰中箭死。重忠族稻毛重成榛谷重朝等。同日皆斬。重成初媚時政。構陷重忠。而終為時政所殺。北條氏忌重忠日久。重忠勇而有衆。從賴朝常為軍鋒。而性忠厚。不與人爭功。賴朝深知其長者。委託後事。而為北條氏所陷。天下冤。

之。七月分畠山氏邑。以賞將士。實朝在時政策。時政終謀弒實朝。立朝雅。因聚兵。事覺。閏月。政子遣諸將。遷實朝於義時宅。兵皆從歸焉。義時終徙時政夫妻於北條里。令京師將士誅殺朝雅。當是時。諸豪傑千葉常胤土肥實平等。皆老死。佐佐木高綱熊谷直實前後逃隱。獨北條氏專掌幕府事。而實朝仰其成。實朝性喜文事。師文章博士源仲章。學和歌于中納言藤原定家。而武技不及賴家。然賴家荒淫。至奪安達景盛妾。欲殺景盛。賴朝招呼諸將。不敢名之。賴家輒名之。平知康等。以技藝進。負寵凌人。將士憤怨。實朝為人優柔。為將士所愛。初年令將士各獻賴朝所下。

耽沈
一作

文書爾時所授地頭。不輒褫職。自賴朝賴家之世。數禁守護地頭。十與吏務侵取分外。至是又徵其下文。辨恩勲之殊。使結番追捕。遣使者行管內。問吏民冤枉。然政權在於義時。實朝日夜與文士飲宴。沈溺歌詠。不問外事。義時益專。建保元年。信濃人泉親衡奉故賴家子千壽丸起兵討義時。使僧安念說諸將。諸將多應者。義盛二子。義直。義重。姪胤長等與焉。次至千葉成胤。成胤不肯。執安念送之。義時令家臣金窪行親。安藤忠家鞠之。得狀遣兵執親衡。親衡姓源經基子。滿快之遠孫也。有勇力。殺吏卒數十人而逃。千壽削髮匿京師。義直等就虜。是時義盛在上總。

狀仗
一作

馳歸面謁。請購二子。義盛為實朝所親。信特受命。與結城朝光並統衛兵。於是聽其請。義盛大喜。而出日日以其族九十八人。列幕府南庭。因大江廣元乞赦胤長。義時素忌其強宗。欲激而除之。命行親忠家縛胤長。過義盛前而屬之吏。放陸奧。義盛慚忿。塞門不出。胤長第在便地。多欲得之者。義盛請實朝遣人守焉。義時請而奪之。遂守者。割與行親忠家。義盛大怒。遂欲滅北條氏。日夜會宗黨謀之。謀泄。幕府使者來問之。義盛陳謝無他。使者微見其子弟。問兵仗。還報有令徵兵。更遣使者謂義盛。義盛乃對曰。老夫受故將軍殊恩。豈敢謀反。獨兒輩憤義時專恣。欲往問狀。

老夫諭之而不聽也。遂以百五十騎分爲三隊，分攻義時廣元第。而急赴幕府，欲取實朝。其族三浦義村與弟胤義約守北門，而意中變，走告義時。義時與廣元自北門入，義盛隨圍之。三子義秀排門而入，所向皆破。與足利義氏遇，攫其甲袖。義氏鞭馬踰濠，袖斷。義秀與土屋義清古郡保忠俱奮擊，一府中皆辟易。有縱火者，烟焰滿天。義時、廣元挾實朝避之法華堂，接戰一晝夜。黎明，義盛兵疲退，軍前濱。會橫山時兼舉族來援，得三千騎，軍復振。近國兵聞變來聚，義時召之，疑而不至。請實朝教書示之，乃至。既而義直戰死，義盛泣而氣沮，終爲江戶能範所射殺。七子皆死。

五十東
鑑諸書
並作五
百

義秀以五十人航海而逃，義時分和田氏邑以賞將士。二年六月，旱，實朝齋戒誦經，既而雨，減東國租稅。十一月，義盛遺臣奉千壽，聚兵京師，事覺，大江氏卒攻殺之。十二月，實朝命僧修法會，曰：疇昔夢義盛率族群至我前，吾爲修其冥福也。先是，實朝已累敘正二位，任權中納言。六年，累遷至權大納言。三月，兼右近衛大將。大江廣元從容言曰：將軍欲貽慶來裔，宜戒滿盈。蓋辭諸官，獨帶征夷將軍及高年，然後求大將。實朝曰：吾非不悅卿所言，然吾念源氏正統縮於今日，不可慮子孫。吾欲飽取官職，以舉家聲，不暇慮子孫也。廣元無言而退。先是，宋佛工陳和卿來在大

和實朝召見之。和卿自稱知實朝前生。實朝遂欲如宋命造巨船。既成不可用。是歲北條氏召故賴家子公曉。至自京師。用補鶴岡別當。公曉常憤父幽死。謂實朝父仇也。竊謀報復。稱有所祈。祈鶴岡祠者千日。時鎌倉傳言幕府有怪物。被婦人衣。行步如飛。十月實朝任內大臣。十二月進右大臣。承久元年正月拜賀于鶴岡祠。上二十七日戌時將出。廣元進謁曰。臣平生未嘗出淚。今無故泫然。臣危疑焉。先大將落東大寺。衷甲自備。若宜放焉。毋輕舉也。源仲章曰。大臣大將不可衷甲。廣元又請晝日行禮。仲章曰。秉燭故事也。實朝臨出。使秦公氏梳髮。拔髮一縷與之。晒曰。

吾遺物也。公卿以下悉從。隨兵千騎。義時侍持劍焉。比入祠門。稱病作。授劍於仲章而歸。實朝乃悉屏隨兵。獨仲章從。儀畢。揖公卿降階。有一人自階側跳出。揮刀斬實朝及仲章。持其首逃去。時方闇黑。內外騷擾。不知何人所為。已而有大呼者曰。吾公曉也。報父仇矣。衆始知公曉所為。圍其所居。公曉提實朝首直赴備中某宅。以食。手不釋首。三浦義村少子為公曉弟子。公曉因使使問計於義村。義村給曰。將以兵迎。而告義時。義時命速殺之。義村乃遣長尾定景。率力士五人赴之。公曉望迎兵久之不至。乃自踰祠後高阜。如義村家。途遇五人奮鬪。定景自傍斬其首。送之。

計
旁遇劫

控 苦貢切

封豕長蛇

義時公曉年十九實朝年二十八明日葬實朝不得首以
所遺一髮代之源氏正統於此而絕
外史氏曰余嘗踰函嶺望八州之野北控奧羽知源氏基
業深且遠矣世傳八幡公臨終遺書其家曰吾後世必有
操天下之權者雖信否未可知非無其謂也蓋我上化自
西漸東東之強悍難服足以敵全國雖中古鈿治纔就條
緒叛服不常每為國患而廟堂不以為憂蓋綱紀之弛非
一日也相門爭寵骨肉相軋而不能制也盜賊公行劫公
卿焚宮闕而不能禁也則何暇恤邊疆哉而夫貞任家衡
等皆桀黠之才足以乘而逞焉微源氏父子封豕長蛇存

荐 在甸切音海聚也重也仍也

噢咻 廣韻病声玉篇痛念三声

噢 於六切又於武委切
咻 况羽又况羽切

食上國誰能拒之其有大功德於天下如此而朝廷酬功
不塞其什賴義遷任適致困蔽義家官不過四位衛尉
子孫或以罪誅或以謫逐保平之亂又鬪其骨肉殘亡垂
盡何報施之例也天之福人縮於父祖則贏於子孫固其
所也故源氏之福大發於賴朝遂得司天下之權義家儻
預睹之邪然余嘗謂天下之權歸源氏久矣而源氏不自
知也賴義義家經略東北捍護其民前後十有五年而朝
廷如不關知焉及其奏功為將士請賞格遷延不決甚而
目以私鬪停之官符使其以私恩噢咻之則是朝廷自舍
其征伐刑賞之柄而付之源氏遂令東北豪傑曰寧背天

日本外史

卷之三

三十三

隋

子勿負源氏。當是之時，使義家一唾手起，則函嶺以東，非朝廷之有，不必待賴朝也。而不敢失臣節，以終其身，乃所以貽慶子孫也。舊志稱賴朝之逃伊東也，心私祝曰：願得主關東八國，否則猶領伊豆，得以報伊東氏。由是觀之，其初念不過割據一隅，而豪傑之素附焉者，爭為之用，兵鋒所嚮，莫不克捷。又得廷臣抱才而不逞者，以輔其所不及，而會於國家綱紀極墮之時。碁布所謂素附者於七道而坐制其命，是雖其智術有以劫持上下籠絡一世，則亦時勢之自至焉。而其源實出於父祖之餘慶焉。爾吾嘗聞之縉紳之家，鎌倉之興，大江三善之徒，有竊抱民部省簿記

艾 初虎切 初也

艾 在衰二年 憂未艾也 注未絕也 五蓋切 又 倪制切 音外 艾也 艾 艾草也 穀莊八年 一年不艾而百姓觀注 艾獲也

而往者，亦可以見人心所向矣。夫王家自放，失其權而莫之或收，民安所倚哉？於是王族之任其器者，代而操之，以宰天下，亦不得已之勢也。源氏以清和之胄，世勤勞王事，以至於賴朝經營艱苦，叔建大業，以致天下小康，而不敢僭踰恭順其跡，又再傳乃亡。天未艾源氏之福也，是以足利氏、新田氏皆以清和之源更起宰天下，而皆以上將代操國權以服事天子。莫非襲賴朝之故者，則是賴朝為天下萬世創不得已之事，以立不可踰之限，而君臣之際，兩得其宜也。不然，焉知恭操懿卓不接踵我國哉？雖曰賴朝有功德於天下，勝其父祖可也。

日本外史卷三終

[Faint bleed-through text from the reverse side of the page]

必与暢同

未一作

日本外史卷四

源氏後記

北條氏

外史氏曰北條氏之事吾不忍言之也而諸敘其事晦澁
不覺亦有疑於文飾者獨源親房之論頗可取信云其論
曰源氏以武臣掌握天下朝廷蓋不能平況其後嗣既絕
寡妻陪隸繼當其家欲乘此時而斃之以復舊權似也雖
然王綱之衰久矣賴朝奮一臂以平其亂雖朝廷未復其
舊而民庶息肩非有德政足以勝之則安克斃之縱使克
斃之民之不安天豈與之王者之師必加有罪賴朝陞高

日本外史

卷之四

飭心切音教命念
又謹也

時政義
時泰時
時氏經
時時賴
時宗貞
時高時
世謂之
北條九
代然時
氏先父

官管重職皆出法皇之允裁非私竊之也北條氏以其外
家久司其權未嘗夫人望非有顯然之罪也而欲遽加之
誅是朝廷未為無過而北條氏又不可比之反賊獲利者
也夫以賴朝之業而猶不能過二世北條氏乃以陪臣執
國命奕世累葉是豈偶然哉蓋義時非有才德過人也泰
時繼之修政立法專操正直不獨不渝己之分戒飭親族
及諸將士莫敢規望高爵至其子孫能守其法不敢失墜
雖其政漸衰卒至於亡而得傳之七世之久亦可謂無憾
矣大凡以保平以來之亂而不有若賴朝有若泰時則六
十州之民何所底止不詳於此而特稱皇威之衰武臣之

而死未
為執權
時賴以
弟承兄
併為一
世故止
稱七世

尊者謬矣外史氏曰吾讀親房之論而悲其意焉其亦出
於不得已而告君之體宜如此爾後之君子因其言而詳
其事可也蓋源氏之嗣既絕藤原賴經為征夷大將軍其
子賴嗣襲職既而宗尊親王往代之傳之其子惟康久明
親王又往代之傳之其子守邦而兵馬之政每在於北條
氏故凡事皆不得不係之北條氏
北條氏出於平貞盛貞盛七世之裔時政其父曰時家時
家父時方養於祖父直方直方父維時維時父即貞盛次
子常陸介維時也維時後三世始與源氏婚子孫世居伊
豆北條因氏焉北條氏以豪族世屬源氏源義朝與平清

盛戰京師。敗績。宗黨死亡略盡。義朝子賴朝被執。宥死。流于伊豆。時政以清盛命。與州人伊東祐親並監護之。賴朝四世祖義家。樹恩威於東國。卽直方女所生。以故時政頗屬意於賴朝。賴朝初寄伊東氏。通其女。生男女。女之繼母告之祐親。祐親懼平氏疑己。投其男於水。嫁女於江間某。遂圖賴朝。賴朝逃。依北條氏。久之。問人曰。聞時政多女。孰尤美。曰。長美次否。否者後妻出也。賴朝懲伊東氏欲通次女。作書託僕安達盛長。致焉。盛長竊慮次女無貌。賴朝情好不終。徒足階禍也。更作書致於長女。前一夕。次女夢鴈銜金函至。覺語之其姊。姊心動曰。吾當買妹。夢乃與妹以其

辨鏡曰。薄以償直。且日得書。遂通之情。好日密。女名政子。時年二十一。是時時政役於京師。役滿而歸。路遇平兼隆。兼隆清盛族人。爲伊豆目代者。時政與偕歸。許以政子妻之。已聞其與賴朝私。且驚且喜。而難違兼隆約。則爲不知。嫁於兼隆。其夜雨甚。政子出奔。匿伊豆山。與賴朝俱居焉。兼隆索之不得。時政素器賴朝。且思其高祖事。至是陽怒而陰益厚之。賴朝亦謂時政謀慮可倚。深相結託。治承四年。以仁王討平氏。令至賴朝。先示之時政。遂發東國家人。家人至者頗多。賴朝輒延之別室。曰。爲我努力。人人各自以爲賴朝特厚己也。而至其陰謀。獨時政得知之。八月時

高綱一作經高
疑當據東鑑盛
衰記諸書作定
綱為是

政率佐佐木高綱等八十五騎。夜襲平兼隆。斬之。遂糾伊豆相模豪傑。以擁賴朝。據石橋山。令政子居守。賴朝與大庭景親戰。而敗走。時政疲而後。加藤景廉狩野祐茂。堀親家。小山實政等。請從焉。時政揮之。令從賴朝。而自之甲斐。欲發其諸源。長子宗時至平井鄉。為伊東氏兵所圍。中箭死。連夜時政遇賴朝于杉山。箱根別當行實素善賴朝。聞其敗。使弟永實來餽餉。先見時政。時政給曰。大將既死矣。永實曰。子疑吾歟。大將而死。子豈生存者。時政哂。使見賴朝。賴朝乃匿箱根。令時政及其子義時如甲斐。而自走七肥。使七肥遠平存。問政子航。抵獵島。時政與三浦義澄

等。出迎賴朝。賴朝曰。卿何以在此。時政曰。吾卿命北行。而中道自度不覩君所底安所。取信。故踪君至此。請自此行矣。於是終抵武田。一條諸族得二萬人。助賴朝擊平氏于駿河。走之。賴朝還。至相模國府。論功行賞。以時政為首。武田信義以下。次之。賴朝初鎌倉府。政子助之於內。而時政義時輔之於外。諸將士目以北條公。莫敢抗禮。明年七月。政子生男。是為賴家。立為世子。北條氏以外祖。益貴重。陰收人心。以自固。賴朝有嬖姬。託之伏見廣綱家。時政妻牧氏知之。告政子。政子性如悍。即使牧宗親。毀廣綱宅。驅逐其姬。姬走。依大多和義久者。賴朝聞之。託事往義久宅。召

宗親罵之。親截其髻。時政聞而恥之。不告而歸其邑。賴朝謂梶原景季曰。江馬必不從。汝往視之。江馬者。義時也。還報曰。在。賴朝召義時曰。汝可託吾子孫者。已而事釋。時政還鎌倉。被親信如初。賴朝忌弟義經勇智謀除之。文治元年冬。親將擊之。京師義經奔竄。賴朝途還。遣時政以十餘騎護京師。四索不獲。於是賴朝意奏請諸國司置守護莊園。置地頭。所在追捕。弗被允。時政抗辭。再三終被允。自爲七國地頭。已而辭之。當是時。大亂初平。京畿多事。時政身當其衝。事無不辦。歲餘東歸。以詔舉從弟時定自代。亦賴朝意也。賴朝嘗獵富野。賴家甫十三。射中走鹿。賴

朝大喜。使人報之。政子曰。彼將家胄子。獲一禽。何煩專使。賴朝愧之。正治元年正月。賴朝薨。賴家立。政子削髮爲尼。而與聞政事。時政敘從五位下。任遠江守。爲政所別當。與大江廣元。三善康信。中原親能。三浦義澄。八田知家。和田義盛。比企能員。安達盛長。足立遠光。梶原景時。藤原行政。參決諸政。餘毋得傳宣。賴家有狎臣五人。下教曰。五人親黨。有罪勿論。七月。參河盜起。遣安達景盛討之。景盛新買妾於京師。殊弗欲行。不得已而行。歸則賴家已奪其妾。絕愛幸之。有告景盛怨望者。賴家令五人討之。府下大擾。時賴朝薨。纔六閱月。政子急如安達氏。使使誚讓賴家。

且曰。汝不聽我言。吾以身當汝箭。賴家乃止。政子徵景盛誓書。使佐佐木盛綱齎送賴家。以和解之。因諭賴家曰。視汝近狀。倦政忘民。遠賢近佞。只聲色是滿。無禮於親戚。願少留意。勿及於悔。賴家般樂如故。已而聽梃原景時讒。欲誅結城朝光。朝光與諸將連署抗訴。景時出奔。旋還鎌倉。時政逐之。景時終奔京師。令人追誅之。二年五月。有爭疆而訟者。賴家視其地圖。援筆抹圖中央曰。廣狹命也。不能費案檢。凡疆場之訟。以此為準。即不厭心。不如毋爭。建仁元年秋。大風雨。關東禾稼不登。下總海溢。民死者千人。九月。蹴鞠工紀行景至自京師。大江廣元攜謁賴家。賴家素

好蹴鞠。請上皇得行景也。自是日學其技。不復視朝。義時有子曰泰時。少有器局。密召賴家狎臣中野能成。謂曰。蹴鞠無害於事。獨不畏災異乎。故將軍每逢天變。輒止出遊。是後世所當法耳。子親臣也。盍嘗試諷之。時北條告飢。泰時且往視之。會僧觀清至。曰。將軍聞能成語。怒曰。言非無理。踰父祖而言。何也。公且稱疾歸邑。俟其怒衰。可也。泰時曰。吾聊語鄙意於侍臣耳。豈敢諫乎。即被譴怒。非所避也。吾有事如邑。旦日將發。子莫以為避焉。乃出篋。篋視之。遂至邑。邑人去歲貸籽種。約明稔償之。而不稔也。相與謀逃亡。於是泰時召諸負債者。悉燒其券。曰。父老安之。饒使年

也一作

豐。吾不復責也。乃賜酒食。人給斗米。皆泣拜祝曰。願使君多子孫。二年七月。泰時娶三浦義村女。義村。義澄子也。三年七月。賴家有疾。政子議使其遜職。分其所管。傳之同母弟千幡。與子一幡。一幡母。比企能員之女也。能員陰懷異議。使其女說賴家。賴家遽召能員。欲圖北條氏。政子微聞之。急作書。使侍女齎致時政。時政將赴名越第。途得其書。按轡思念。直詣大江廣元曰。能員憑恃外戚之親。凌蔑眾士。今又乘將軍不省事。矯命圖逆。宜先發誅之。否乎。廣元曰。僕自先將軍在日。獨執文墨議論。至於兵事。不敢與知。今日之事。在公之心耳。時政即起。天野遠景。仁田忠常在。

從騎中。至荏柄祠前。時政顧謂二人曰。能員反矣。子等將兵伐之。遠景曰。殺一老翁。何必發兵。宜召而誅之耳。時政至第。又召廣元。廣元有戒心。而屏從士獨從一人。曰。有急刺我。遂往。時政與之坐。良久乃罷。於是時政衷甲。令遠景忠常伏中門。而遣人謂能員曰。吾脩佛事。公盍一臨。因與計事。能員輒往。入門。二人突出。捉其左右手。伏而斬之。其僕走歸。比企氏族擁一幡據其第。遣義時泰時將兵攻之。比企氏縱火自殺。一幡燒死。賴家病聞之。大怒。使堀親家密命和田義盛。仁田忠常誅時政。義盛告之時政。時政召忠常。久之不出。其馬卒怪而歸告。忠常二弟危疑。遂攻

攸支義切又居企切
姆女師也

義時第。義時不在。其家人防戰。斬之。忠常歸。途聞之。遂赴幕府。為加藤景廉所殺。政子終令賴家削髮。徙于伊豆。無幾何薨。於是以千幡為嗣。奉之於時政第。更名實朝。時政與妻牧氏保護之。侍姬阿波局密語政子曰。牧氏笑。謔中挾攸心。不可託保姆之任。政子以為然。乃迎實朝置府中。以義時弟時房掌營中事。是歲時政令女婿源朝雅率關西守護往鎮京師。元久元年。義時為相。摸守二年。有告畠山重忠反。義時時房將兵擊之。初重忠與朝雅皆時政婿。而朝雅所娶。牧氏出也。以故最被親愛。是歲實朝娶於京師。命重忠子重保等迎之。候朝雅於六波羅。與飲。爭禮相

遣上一
有遷字
一無遷字

闖。朝雅終惡之於牧氏。牧氏終與時政謀殺重忠父子。誣以謀反。召義時時房議擊之。二子諫止。時政怒而入。牧氏使人謂義時曰。以繼母故。目吾為讒乎。義時不得已從之。擊殺重保。遂與重忠戰于鶴峯。斬之。七月。時政遂欲立朝雅代實朝。實朝時在時政第。政子遣諸將徙之於義時第。時政兵率歸義時。時政遽削髮。老於北條。年六十八。後十一年卒。是月。義時遣兵誅朝雅。以時房代為武藏守。先是和田義盛求為上總國司。賴朝制諸士不得為國司。以故不許。義盛獻書。因大江廣元苦請。三歲不獲命。乃請還前書。亦不省。建保元年。義盛子姪黨於泉親衡者。謀擁故賴

水干衣
如直垂而有袖指露
紐用精好絹製之
其色不定

家子作亂事覺義盛請宥其子得釋遂舉族抵幕府又請
宥其姪姪為首謀不可釋義時縛之屬吏五月二日義盛
輒舉兵反三浦義村以族人故黨之既而與其弟胤義議
自白於北條氏北條氏有宴義時方與客棋報至終局而
起更被烏帽子穿水干衣以赴幕府與大江廣元奉實朝
徙於賴朝影堂令長子泰時將兵防之次子朝時與義盛
子義秀鬪被創義盛兵乘勝而進呼聲震天申而戰見星
未已泰時督戰身先士卒黎明擊卻義盛兵自阨衢路遣
足利義氏追擊之敵兵復振義時與廣元連署令武藏相
摸諸國來援敵驍將土屋義清中流矢死敵兵大沮義盛

榼
苦盞切酒器也

以下敗死泰時獻首虜置酒勞諸將士謂之曰吾不復飲
酒時昔與宴其明亂作吾懷甲上馬而宿醉未醒吾意自
今禁飲已而戰數十合渴而索水葛西六郎執榼進酒我
輒飲之甚矣吾無常操也吾不復飲也已而論功行賞泰
時辭賞曰義盛無反心獨恨臣父爾而諸將士多為之致
死臣為父擊仇焉可受賞宜以賞臣者恤死事之家弗聽
義時代義盛為士所別當即日移書京師鎮安將士九月
故畠山重忠李子僧重慶在日光山謀反遣小山宗政捕
之宗政斬之還報實朝使人言曰重忠冤死其胤為變虛
實未可必汝輒斬之何也宗政瞋目曰彼髮反跡已明臣

所以不生致者。恐將軍聽內謁宥之也。將軍詠歌蹴鞠。廢棄武備。重婦女輕戰士。諸沒官之邑。舉與嬖妾。故將軍之業墜矣。實朝怒。禁其朝從。無幾何得解。實朝爲人優柔。耽溺歌詠。雖有罪者。獻歌則免。而軍國事一決於義時。二年冬。和田氏餘黨作亂京師。戍卒擊夷之。七月。定鎌倉賈人之員。當是時。鎌倉權勢日盛。後鳥羽上皇居常憤憤。謀滅源氏。初讓位於太子。是爲土御門帝。尋又使禪之少子。是爲順德帝。而政常在上皇。自後白河時。置北面武士。上皇益開西面。廣徵材勇。親鑄刀劍。欲驕實朝。以斃之。連進其官。爵實朝不覺。遂求左近衛大將。義時謂廣元曰。故將軍

每宣下。輒辭之。以爲後胤之地。而今將軍年未壯。昇進太速。又令家臣不朝。而取官爵。僕愚昧竊危之。欲爲入言。而恐遭譴怒。公益言焉。廣元曰。僕亦思之。故將軍每事下問。今也則否。故默以至今耳。將軍坐享成業。而不次榮進。積殃嬰害。其能免乎。公有言焉。僕敢不言。遂入言。實朝不聽。六年。遂爲大將。累進右大臣。承久元年正月。拜賀於鶴岡祠。卒。爲故賴家子公曉所狙擊。薨。公曉因欲自立爲將軍。義時以政子令誅之。初。政子與義時俱詣熊野。過京師。上皇召見政子。辭曰。東鄙老尼。不閑禮節。則令前相國賴實妻勞之。政子與語曰。實朝卽無子。敢請得一皇子。爲鎌倉

主。至是令諸將連署奏請曰。願擇於上皇二皇子。得戴一人。上皇不許曰。是樹二主也。及實朝薨。請藤原賴經。初賴朝妹婿藤原能保。以女妻攝政良經。良經關白兼實子也。良經生道家。道家生賴經。以故義時定議。遣時房請。七月。至鎌倉。甫二歲。政子聽政。簾內。政子為人明決。佐賴朝定天下。為諸將士所畏服。曰。尼將軍。以其拜從二位。又曰。二位尼。義時為右京權大夫。兼陸奥守。與廣元等。令諸將修賴朝舊規。義時妻弟伊賀光季。與廣元子親廣。並護衛京師。實朝遺書之翌月。故阿野全成子時元。起兵駿河。謀自立為將軍。義時遣兵擊殺之。賴經至鎌倉之月。大內守

護源賴茂。與子賴氏。入仁壽殿。縱火自殺。蓋賴茂源賴政孫。自以為源氏嫡宗。因圖自立事覺。被誅。上皇謂源氏衰滅。王政可復。而關東權勢自如。會關東家人仁科盛遠者。挈二子詣熊野。遇上皇幸焉。錄其子為西面。盛遠大喜。留不東歸。義時怒。收其邑。上皇令復之。不奉詔。上皇嬖妓龜菊。食長江倉橋二莊。其地頭侮慢之。上皇怒。令褫其職。義時對曰。先右大將以王命誅平氏。乃請置地頭。以賞有功。義時不敢無故褫之。上皇積怒。遂決意討義時。義時素善右大將藤原公經。上皇欲殺公經。右大臣藤原公繼止之。且諫曰。臣聞本邦稱曰葦原。原之大處。是為關東。漸西漸

流鏑馬射儀名也

小以小敵大以弱抗強不待時而行行以無謀臣未知其可也義仲之難可以鑒焉權中納言藤原光親亦切諫上皇皆弗聽使西面藤原秀康誘三浦胤義胤義妻初為賴家婢生一男義時殺之妻悲痛胤義戍京師不復欲東秀康於酒間微說之胤義奮躍應命曰臣兄義村力能擒義時上皇大悅五月使順德帝讓位於太子以便計議太子立是為九條廢帝上皇乃託城南寺流鏑馬徵畿兵千七百入囚公經召親廣光季親廣曾從光季不至今胤義秀康討之光季及子光綱奮鬪而死即日。上皇詔五畿七道討義時召將士問曰東人黨義時者有幾胤義對曰不過

牢籠諸
本作籠
牢今从
門田堯
佐家藏
本

無印
字

千許人莊家定者進曰不然彼收人心有年於此願為之死者不可勝計使臣等在東國亦被牢籠耳上皇弗懌彌益聚兵遣善走者押松齋誥歷說東國諸豪特使胤義作書以重賞啗義村義村以示義時義時曰唯子意所嚮義村誓無貳心義時曰吾預知有此事久矣因大索鎌倉獲押松拿誥燒之啟狀於政子政子乃大會諸將于簾下使安達景盛傳命曰吾今日將訣於諸君也先將軍被堅執銳闢草萊以創人業諸君所知也今讒諛之徒誑誤人主欲傾危關東之業諸君苟不忘先將軍之恩則協心戮力誅除讒人以全舊圖即欲應詔西上者即今決之諸將

日本外史

卷之四

十二

皆感激願效力。莫敢異辭。於是會義時宅議事。義村景盛等皆曰。宜扼足柄箱根以待官軍。廣元曰。不可。守險曠日。人心內變。是自敗之道也。宜直進兵攻京師。聽成敗於天耳。政子從之。以泰時為將。泰時時為武藏守。待武藏兵至而發。居五日。或議其懸軍遠進。是危道也。廣元曰。待武藏兵非計。所以生此異論也。遷延如此。雖武藏兵不保其無變。今夜武州宜單身揚鞭。東兵猶雲從龍已。三善康信方卧病。政子召而諮之。康信對如廣元議。於是令泰時卽夜發程。黎明。泰時帥十八騎而西。相模守時房前武藏守足利義氏駿河守三浦義村等從之。行三日得十萬騎。自東

海道進。武部丞朝時自北陸道進。武田信光。小笠原長清等。自東山道進。凡從役者。父行留子。子行留父。行者凡十九萬。義時乃放還押松。使歸上言曰。臣無罪被討。不敢逃避。聞陛下好戰。謹獻臣長男。泰時二男。朝時以下十餘萬人。使之為戰。陛下觀焉。猶不厭於心。則猶有二十萬人在。臣將自將以繼之。押松走歸。白之。內外失色。上皇曰。可也。東人必有乘虛誅義時者。六月。朔。部署諸官軍。宮崎定範。仁科盛遠等。拒越中。藤原秀康。三浦胤義等。部諸將為九隊。拒尾張美濃。兵凡一萬七千餘人。信光長清以四萬騎亂大井渡。擊官軍將大內惟信。走之。胤義欲赴援。秀康曰。

吾腹背受敵。不若退守宇治。勢多。敕旨如此。乃鞭馬先走。胤義以下皆從之。官軍將山田重忠、源滿政、苗裔也。奮而留戰。泰時亂流而前。重忠連射斃東兵。泰時麾軍萃之。重忠敗走。官軍將鏡久綱自書名于旗。與毛利季光戰而敗。曰：恨與懦夫共事。乃自殺。泰時進與信光合。義村建策。分為五隊。其子泰村請曰：嚮與右京君約。從武州生死。因辭義村。從泰時。泰時鼓行而西。京師震駭。乘輿幸叡山。山徒遜辭力不足以扞東軍。乃還。分見兵二萬五千。守宇治。勢多及淀。時房攻勢多。山田重忠帥山徒二千。截橋力戰。時房不利而卻。泰時攻宇治。前中納言源有雅參議藤原範

水河

等率南都僧萬人。壅河而陣。時霖雨水漲。泰時欲待旦而進。泰村夜挺前。夾河射戰。義氏赴援。泰時遂以全軍從之。橋板已撤。兵緣架進。官軍矢石雨下。東兵多死。泰時令芝田兼義試水。春日貞幸佐佐木信綱等繼之。貞幸馬傷而溺。從者援還。泰時親為灸之。乃蘇。將士爭渡。溺者八百。信綱先達中島。其子重綱年十五。攀父馬尾。泅而渡。信綱使之還。請兵。泰時諾而遣之。召其子時氏曰：我衆將敗。汝進死之。時氏以六騎渡。泰村繼之。泰時乃親臨。貞幸扣馬諫。不聽。貞幸給之曰：釋甲而渡。不則沈溺。泰時下馬釋甲。貞幸乃奪馬去。不得渡。其兵渡者五百騎。與兼義信綱皆

達進冒官軍殺傷相當。義氏撤民屋，縛筏以濟軍。泰時遂至前岸。武藏相摸將士奮進大戰。有雅以下潰走。右衛門佐藤原朝俊帥八田知尚、佐木氏綱等留戰死之。時氏縱火而進。義村季光攻大納言藤原忠信于淀，破之。重忠胤義走歸奏事。上皇閉門不納，重忠擊門而罵曰：「懦主誤我。」遂走嵯峨自殺。胤義遁走。泰時進至樋口河原，遇院宣使至下馬，使人讀之。宣曰：「近日之事，非出朕意，皆臣僚所為。」唯汝論其罪，莫使兵士擾輦下。泰時乃與時房館于六波羅。朝時之出北陸道也，從軍四萬。官軍張弩，阮寒原塞。朝時夜收數十牛，束薪其角，火之，驅赴官軍。官軍弩發，東

兵乃踰寨。至市振，官軍據險設柵。東軍騎兵渡海而步兵破柵，戰礪並山。殺盛遠，走定範。進會泰時于京師。於是東軍填塞街衢，四出捕斬胤義。以部下據東寺，遣佐原景吉攻之。胤義叱曰：「汝非吾族人乎？與戰走之，盡亡其騎，獨與其長子逃去。欲投其妻家，匿木島叢祠中。遇所識僧，勸其自裁。長子先死。胤義謂僧曰：「以我父子首視於我妻。」然後致之駿州。為我告駿州曰：「阿兄自剪手足，當逞於意。」僧如其言。義村送之。泰時聞佐佐木經高贊上皇謀亡，匿鷲尾，欲宥之。經高自殺。其子高重、兄子廣綱等皆死。廣綱穉子當宥。叔父信綱請而斬之。泰時與時房議，凡論罪從

逃下一
無去字

據東鑑
諸書廢
當作庖

輕不復究捕。遂奏求首謀者。上皇以忠信有雅光親。及中
納言藤原宗行參議藤原信能答。乃分屬之諸將。時氏召
所同渡六騎。置酒勞之。捷報鎌倉。上下相慶。初義時已遣
軍。日夜疑懼。會雷震其廐。義時大怖。以告廣元曰。吾命窮
乎。廣元曰。君臣之命。皆天所司。今事之曲直。斷在天心。公
何必怖也。故將軍之捷。陸奧雷震其陣。此安知非吉兆哉。
於是捷聞果至。廣元引文治故事。論公卿斬。泰時難戮之
於京師。七月。令諸將押送之東國。皆斬于途。獨忠信以其
妹嘗適實朝。有死。流越後。後泰時得光親諫疏。大悔殺之
云。於是義時廢帝。立高倉帝孫守貞親王之子。是為後堀

河帝。遂逼上皇削髮。徙之隱岐。徙順德上皇子佐渡。兩親
王子但馬備前土御門上皇不與謀。且諫之。以故不問。乃
敕義時曰。朕安忍獨留。十月。徙之士佐。後徙于阿波。是月。
獲秀康父子于南都。諸所籍沒。三千餘邑。義時悉分與戰
功將士。一無所取焉。而北條氏勢威滋熾。泰時既破官軍。
與時房留鎮京畿。四年。分居六波羅南北。號兩六波羅。泰
時在京師。聞相尾僧高辨名。往訪之。高辨語泰時曰。治國
猶治病也。不究其因而藥焉。徒益病耳。治亂之因。在人之
欲。公苟絕欲以率之。治可幾矣。泰時大悅。元仁元年。大旱。
世以為亂逆所致也。北條氏所釀甚力。六月。義時病卒。泰

一無曰字

時時房皆東歸。政子欲以泰時襲執權。以傅賴經。以其在服疑之。諮於廣元。廣元對曰。宜速定議。以鎮人心。泰時有弟。多後母藤原氏。出泰時。割與之。父邑。自取太少。曰。吾為執權。復何求焉。而藤原氏與其弟光宗。謀以其所生子。四郎政村為執權。以其女婿參議藤原實雅為將軍。政村之冠。三浦義村為賓。約為父子。於是光宗與弟光重。驟適三浦氏。府下洵洵。口耳相屬。人或警泰時。勸其兵備。泰時曰。置之。乃故禁人出入。獨許數人給仕而已。遣時氏及從弟時盛於六波羅。二人曰。鎌倉可虞。泰時曰。不如京師可虞也。遂遣之。有婢密告泰時曰。光宗兄弟矢於大夫人之

前曰。莫之或渝。是必有異圖也。泰時曰。兄弟莫渝。為可嘉耳。已而騷擾不已。政子從一侍女。夜造義村。義村惶恐出迎。政子曰。近日物議騷然。聞政村。光宗日聚首於子家。所謀何事。得非圖武州。義村曰。不知也。政子作色曰。何得曰不知也。且子挾政村以圖反乎。抑計和平也。義村乃誓曰。四郎無他。獨光宗微有異圖。臣當禁止之。明日。義村往謁泰時曰。僕記故大夫眷遇。公與四郎。於僕何擇焉。所願安平。是已。日者。光宗欲云云。僕盡心諷導。終得服從。泰時顏色自若。曰。僕於政村。固無罅隙。安有所偏私也。居十餘日。府下又大擾。政子終抱賴經。入泰時第。召義村及諸宿將。

令廣元論決送實雅歸京師。流光宗于信濃。遷藤原氏于北條。廷議流實雅于越前。事即定。不問黨與。嘉祿元年六月。廣元卒。七月。政子薨。泰時置評定引付兩職。諮詢政事。又置家令。以平盛綱尾藤景綱為之。申禁地頭侵攘。不得與京官抗。置京師篝卒。鎌倉將士帶衛府官而不衛衛。而後期者皆納直縣官。貞永元年。泰時與三善康建議。立式目五十條。以資聽斷。與評定眾十二人誓曰。吾曹為天下司直。所挾偏私者。國神殛之。又令諸吏斷獄。輕罪止其身。毋有羅織盜竊者。倍而贖之。武田信光與海野幸氏爭界。幸氏直。泰時予之。或曰。信光啣公。泰時曰。嚮和田氏請宥

胤長。而先人流之。和田氏不能爭也。顧公私如何耳。畏怨而不決。何取於執權乎。信光聞之。自懼。效書誓無他。泰時以示諸將。終為恒例。嘉禎二年。泰時進從四位下。仁治三年六月卒。年六十。泰時為人敦親。族常推叔。父時房而下之。嘗在評定所。聞弟朝時第有寇。輒起赴援。平盛綱曰。是小事耳。公任重職。何自輕也。泰時曰。兄弟有難。何曰小事。以吾視之。與建保承久二役。奚擇。苟喪吾親。重職何為。朝時書藏於家。曰。世世子孫。毋背武州裔也。泰時不以權勢自異。常與諸將更直幕府。逮老不懈。當直之夕。不敢辱也。每詣賴朝墳。拜于堂下。或曰。盍上。曰。將軍在時。吾未得登。

豈死將軍乎。其進四位也。謂人曰。無功進爵。恐不保終。吾將祈之神也。有僧說之曰。建一佛寺。可以治安。曰。糜財盡民。何治安之有。遂逐其僧。泰時銳意求治。其參政府。先眾而入。躬執勤儉。以率將士。將士貸於富家者。自為償息。尤貧者。并償。子本遇有饑歲。發倉賑之。或設場救濟流民。及其卒。天下惜之。子時氏先卒。時氏子經時。嗣為執權。泰時常愛儒人。謂經時曰。為政在文。不可專用武。斷經時長吏事。世稱有祖父風。遂襲其官。寬元二年。將軍賴經讓職於其子賴嗣。甫六歲。四年。經時有疾。亦傳執權於弟時賴。而卒。故朝時子光時。有寵於賴經。因勸圖時賴欲自代之。兵

士集府下。時賴遣吏卒。扼欄路。而以兵自衛。賴經使者來。不許見。光時削髮謝罪。流之伊豆。送賴經還京師。其近士三浦光村。與為護兵。至京師。辭還。嗚咽曰。臣必有以報君也。既歸。鎌倉。潛徵兵其邑。勸其兄前若狹守泰村。反。泰村不果。泰村。義村子也。時義村已卒。泰村威權仍盛。族黨最廣。時賴外祖安達景盛。削髮在高野。寶治元年。四月。景盛來府下。數往時賴家。已而謂其子義景。孫泰盛曰。汝輩不目三浦氏。近狀乎。而頰首之也。五月。有榜于鶴岡。曰。前日。泰村將被誅。時賴因事寄宿三浦氏。氏族悉集。獻酒。迭出更入。時賴頗怪之。其夜聞障內有鎧胄聲。決起曰。果然。麾

一從者。徒步而歸。泰村驚惋不措。翌夜。時賴使人訶三浦諸第。皆蓄兵仗。時賴益有戒心。將士聞之。爭至。明日。泰村第有匿名書曰。子將被誅。盍戒泰村曰。是毒我者。取而毀之。使人謝時賴曰。聞道路之言。如關泰村者。家僕傳聞。爭來相衛。即見尤怪。當速散去之。如事關他人。有須衆力。當率焉。以奉援。時賴慰諭遣歸。大江季光妻。泰村妹也。來勸其兄決意反。亦不果。會時賴誓書至。令速罷兵。泰村大喜。從之。使者出其妻賀進食。泰村一啜。未能下。聞門外大罵。安達氏兵來攻。泰村睜眦急防之。時賴於是遣弟時定。將兵援攻。三浦氏令金澤實時守幕府。實時泰時弟實泰之

子也。大江季光將往屬時賴。其妻愠曰。良人非士也。季光乃屬泰村。時賴令人火三浦氏北隣。泰村大敗。走入賴朝影堂。光村以八十騎據永福寺。以呼泰村。泰村不敢往。光村乃至堂中。諸軍圍之。於是三浦氏宗族列坐影前。光村慷慨口向從殿下密旨。則我族將專軍政。若州猶豫以取此辱。引刀自斃其面。問曰。猶可識乎。遂自殺。殿下謂道家也。泰村泣曰。我四世積功於幕府。又以北條氏外戚輔佐內外。乃不能免於禍邪。雖然。焉知非先君多殺之報哉。何遽北條氏之懟。與其族二百七十餘人皆死。諸三浦氏妻孥皆釋之。後泰村女野本尼者。謀作亂。被殺。先是時賴從

幣里之切刺也

度古委切納食物圈也
碟食列切也亦詳出厚
沒疎有切
溺也小便也

祖父重時鎮六波羅北方。時賴欲召之。泰村止之。建長元年。召至。並執權。時賴為相。摸守四年。道家暴卒。賴嗣又圖時賴。遣長久連等誘諸將士。佐佐木氏信縛送之於時賴。時賴乃廢賴嗣。送還京師。迎後嵯峨帝皇子宗尊親王。為鎌倉主。成政子志也。時賴循守泰時式目。內外無治。而其自奉多人所不堪。大佛宣時。時房孫也。嘗詣時賴。時已深夜。時賴手一壺酒。白欲與子共之。顧安所得肴。照紙燭。素于度。觀碟有殘醬。取而佐酒。其儉薄如此。其用人不拘門地。嘗擢青砥藤綱。藤綱微者也。少好學。師僧行印。遭年旱。時賴聚僧施之。又親祈于三島祠。其束載之牛。洩于水。藤

甄居延切明也

綱在傍。叱曰。汝亦倣此條公薦事邪。眾問其說。曰。方旱。牛而有知。盍洩于田。今之施僧。不甄其貪廉。廉者寧餓不來。徒飽貪者耳。是何異牛之洩于水也。時賴聞之。召見共語。大說之。竟擢為引付眾。有公文者。與此條氏村人。其時而訟。眾皆畏時賴。由公文獨藤綱直之。公文德之。欲有所報。夜苞錢投其後圃而去。藤綱大怒曰。相摸公司天下之直。直公文乃直相摸公。公宜見報。是何外也。郵還其錢。晝夜行。遺十錢於水中。乃買炬照水。撈之。炬直五十錢。或曰。得不償失。藤綱曰。五十錢。吾失人得。十錢。誰得之者。我取六十錢。以益於世。不亦人得乎。藤綱自儉而喜施。日食一脯。

撈魯乃切沒入水中取物也

偈 巨列切
秋氏詩詞也
業宿業之業以喻己身

布衣袴褶。以室不漆。時賴欲加之。祿曰。神見夢於我。曰。汝願治者。增藤綱祿。藤綱固辭。時賴曰。何辭。曰。神曰。增藤綱祿。增之。則神曰。斬藤綱首。斬之乎。時賴又從容問其所欲。藤綱乃陳鎌倉及諸州吏奸狀。曰。管子稱。階前千里。門外萬里。是也。乃罰其尤奸者。世以此稱時賴得人云。康元元年。時賴有疾。削髮。先是。時賴學禪於宋僧道隆。為造建長寺。又造最明寺。於是老於最明寺。長子時宗。猶幼。以重時子長。時執權。弘長三年。時賴卒。臨卒。作偈曰。業鏡高懸。三十七年。一槌破碎。大道坦然。蓋享年三十七也。時宗年十三。敘從五位下。任左馬權頭外舅。安達泰盛。參與軍政。文

永三年。將軍宗尊稱疾不出。僧良基入禱之。而不徵藥。府下頗有物議。良基上四至。良基出奔。幕府近臣稍稍出。留侍者五人而已。宗尊竟還京師。立其子惟康代之。七年。長時卒。時宗執權。時宗庶兄時輔與長時弟義宗俱鎮六波羅。時輔居常怏怏。愧降於弟。九年。二月。時宗令義宗擊時輔。殺之。聞其有異志也。時宗為人強毅不撓。幼善射。弘長中。太射於極樂寺第。將軍欲觀。小笠懸顧命諸士。無敢應者。時賴曰。太郎能之。太郎時宗幼字也。召而上場。時年十一。跨馬出一發而中。萬眾齊呼。時賴曰。此兒必任負荷。當是時。宋氏為胡元所滅。諸隣國皆服於元。獨我邦不通使聘。

尋用也。杜德五年將尋師焉。註尋用也。

元主忽必烈令韓人致書於我曰。不服則尋兵。朝廷欲答之。下鎌倉議。時宗以其書辭無禮。執為不可。元主復遣使者趙良弼來。時宗令太宰府逐之。凡元使至。前後六反。皆拒不納。十一年十月。元兵可一萬來攻對馬。地頭宗助國死之。轉至壹岐。守護代平景隆死之。事報六波羅。令鎮西諸將赴拒。少貳景資力戰射殪。虜將劉復亨。虜兵亂奔。而元主必欲遂初志。後宇多天皇建治元年。元使者杜世忠何文著等九輩。至長門。留不去。欲必得我報。時宗致之鎌倉。斬于龍口。以上總介比條實政為鎮西探題。遣東兵衛京師。西兵衛者悉從實政。益築大宰府水城。省元費。充兵

無艦

備弘安二年。元使周福等復至宰府。復斬之。元主聞我再誅使者。則憤恚。大發舟師。合漢胡韓兵。凡十餘萬人。以范文虎將之。入寇。四年七月。抵水城。舳艫相銜。實政將草野七郎。潛以兵艦一艘。邀擊于志賀島。斬首虜二十餘級。虜列大艦。鐵鎖聯之。鼓弩其上。我兵不得近。河野通有奮前。矢中其左肘。通有益前。什檣架虜艦。登之。擒虜將王冠者。安達次郎。大友藏人。踵進。虜終不能上岸。收據鷹島。時宗遣宇津宮貞綱。將兵援實政。未到。閏月。大風雷。虜艦敗壞。少貳景資等因奮擊。盡虜兵。伏屍蔽海。海可步而行。虜兵十萬。脫歸者纔三人。元不復窺我邊。時宗之力也。七年。時

日本外史 卷之四 三十一

日本外史 卷之四
宗卒。子貞時甫十四。繼執權。襲父官爵。安達泰盛以外祖
益專。太宰府之捷。其子弟與有力焉。威望日盛。與內管領
平賴綱爭權。內管領即家令也。泰盛子宗景。性狂易。謂其
曾祖實賴朝子也。遂改姓源氏。賴綱因譖之曰。彼更姓。冀
為將軍也。十一月。貞時發兵夷滅安達氏。人以為三浦氏
之報也。賴綱獨執政。後賴綱亦圖反。其長子宗綱告之。貞
時誅賴綱。流宗綱。正應二年。九月。府下騷擾。貞時廢惟康。
倒載之輿。送還京師。東人曰。將軍被流京師也。乃請後深
草帝三子久明為將軍。永仁元年。置長門探題。四年。僧良
基誅。故源範賴裔吉見義世謀亂。捕誅之。正安三年。貞時

幕一作

削髮而老。使時賴孫師時政。村子時村並代執權。師時從
弟宗方爭權。矯命先殺時村。遂欲殺師時。貞時怒。命宣時
子宗宣誅之。延慶元年。廢久明。立其長子守邦代之。應長
元年。貞時師時相繼而卒。貞時留意於政治。慕時賴之風。
初時政義時以來。數遣使分曹行郡國。問吏民冤枉。至於
時賴貞時。發間使。被緇衣四出。多所搗發。吏不得欺也。而
間使又稍稍成奸。時賴貞時終親出按之云。貞時既卒。長
子高時甫九歲。宗宣及時村孫熙時並執權。無幾皆卒。長
時姪基時。及實時孫金澤貞顯代之。高時舅安達時顯。泰
盛之弟也。內管領長崎圓喜。賴綱之甥也。以貞時遺命。共

輔高時。五年遂立高時執權。文保元年。高時為相。模守。高時性頑率。委政於時顯圓喜。二人協心。修泰時舊規。既而圓喜老子高資代之。高資性多欲。黜陟予奪。一以賄成。元亨二年。陸奧人安藤堯勢與族季長爭邑而訟。皆賂高資。高資兩納之。不決。二人怒。據邑反。承久以來。士之叛北條氏者始於此。北條氏遣兵討之。不克。高時不以為意。日夕飲宴。一日見狗鬪于庭。喜之。遂令吏民貢糞。糞數千分。附諸將養視。輿載往來。遇糞不下者有誅。糞羣鬪。嗥如爭尸者狀。高時又喜田樂。樂師亦數千。纏頭費。每以萬數。一夕高時獨醉舞。有十餘倡來歌以助之。姬人聞之。倡皆天

有一作見

狗。歌曰。不見天。正寺妖靈星乎。歌終而去。獸跡滿坐。高時醒。無所見也。而有疾。高資勸其削髮。讓職於貞顯。高時弟泰家。慍其不讓也。亦削髮。高時病起。欲誅貞顯。貞顯自覓謝之。諸將爭倣之。圓顯滿朝。高時頗不平。高資密令長崎高賴誅之。高資覺。捕高賴流之。內外憤怨。攝津渡部氏大和越智氏皆起兵。高時命吏擊之。又不克。正中二年。高時流中納言藤原資朝于伊波。以其圖北條氏也。初北條氏定承久之亂。立後堀河帝。帝傳位於太子。是為四條帝。帝崩。朝議欲立順德皇子。泰時思土御門帝不與亂謀也。遣安達義景立其皇子。義景遂還曰。有如順德皇子立。則奚

爲曰廢之。遂入京師。立後嵯峨帝。帝二子後深草龜山相繼即位。後嵯峨特愛龜山。遺詔時賴曰：龜山之後，永承皇統。乃以長講堂領爲後深草湯沐邑。後深草上皇欲倚時宗力以得政柄。時宗不敢從。已而龜山傳位於太子。是爲後宇多帝。上皇憤恨，欲削髮。時宗乃以上皇皇子爲後宇多儲貳。是爲伏見帝。伏見帝立三年，有賊淺原爲賴夜入宮中謀弒不成，自殺。六波羅檢之事，連龜山上皇。上皇賜書於貞時，誓無他。帝密勅貞時曰：龜山之在位，慎承久事。陰有所圖，而不敢發。立其後，非卿利也。貞時乃立帝皇子。是爲後伏見帝。後宇多上皇遣使責貞時，貞時乃廢帝。立

後宇多皇子是爲後一條帝。因定議，後深草龜山二統，每十年更立。先是，時賴分藤原氏爲五派，更任攝籙。貞時之議天位，蓋汲之也。及帝崩，立後伏見之弟，是爲花園帝。朝議欲立後二條皇子，即良承其後。龜山上皇特屬意於後宇多次子，遣使諭貞時立之。是爲後醍醐帝。即良爲其太子。帝憤北條氏以陪臣世七廢立也，陰謀滅之。視高時失政，竊喜之。令資朝及右少辨俊基等誘致美濃源氏土岐賴兼多治，見國長等事覺，或告之於六波羅。北方北條範貞會攝津民作亂，範貞因召四十八所，得三千人，以襲賴兼國長，殺之。是時，正中元年九月也。明年五月，高時

遣兵收致資朝俊基。案問之。不服。遂謀廢立。帝因賜誓書。高時奉還其書。釋俊基。遂流資朝也。嘉曆元年。邦良薨。帝初欲廢邦良立皇長子尊良。高時不可。至是又欲立三子護良。遣使中後嵯峨遺命。高時執貞時議立後伏見。帝子量仁為東宮。帝怒與護良謀誘諸寺僧徒。因以護良為山門座主。召僧圓觀等呪詛北條氏。元弘元年。事覺。捕圓觀等。鞫而得實。再執俊基後伏見。法皇亦使人來具告。帝陰謀。高時乃大聚諸將吏問計。眾莫敢言。高資曰。主上親王流之。公卿黨者斬之。如此而已。勿再貽悔也。二階堂貞藤諫曰。北條氏世尊王室。惠下民。所以執國命。幾乎百六十

年也。今已執公卿。又欲遷帝王。如天道何。苟使我而無憂。朝廷何能為。高資睥睨貞藤曰。迂腐之論。何陳於今日。公獨不知承久故事乎。高時從之。八月。遣貞藤等以三千騎入京師。基時子仲時。政村曾孫時益。乃鎮南北。得貞藤與計事。事泄。帝逃之南都。仲時時益遣兵索宮中。不獲。帝則奉兩上皇太子于六波羅北方。僧豪譽來告。帝在叡山。則遣近江守護將兵攻之。不利。已而南都僧來告。帝在笠置山。其帥乃使近江兵備叡山。而遣檢斷糟谷宗秋。隅田通倫等圍笠置城固。不拔。高時遣大佛貞直。金澤貞冬。將數萬騎助攻。未至。陶山義高。小見山氏真。率五十餘人。夜乘

風雨。鎧城而入。縱火呼譟。外兵應之。城即陷。帝逃走。追獲。拘之。亦波羅南方。高時遣貞藤及安達高景。立量仁即位。是為光嚴帝。令貞直引兵攻官軍將楠正成。走之。四年。請光嚴帝詔。徙帝于隱岐。千葉貞胤。小山秀朝。佐佐木高氏。將兵護送。已而楠正成復起兵。皇子護良赤松則村繼起。據千窟。赤坂吉野白旗諸城。高時遣義子阿曾時治。與貞藤高直高資。以五萬騎赴攻。三年。二月。時治攻赤坂。人見恩阿。本間資貞。先登。資貞子甫十八。隨父死。城終陷。閏月。貞藤亦陷吉野。與時治俱援高直。圍千窟。不能下。三月。六波羅二帥徵山陽兵。兵降於則村。為守三石。則村進據摩

邪山。二帥又徵四國兵。伊豫豪族亦應官軍。二帥遣近江兵攻則村。大敗。於是數警隱岐。守護備帝。逃逸。而帝果逃歸伯耆。二帥再遣萬人攻則村。又敗。則村與藤原宗鎮縱火來攻。遣宗秋通倫。以兵二萬拒之。桂川。則村了。則祐亂流來擊。我兵又大敗。時已夜。新帝兩上皇入。亦波羅。二帥大出兵於七條。積陶山。高通。河野。楠盛。巷戰。走則村。則村退走。阮八幡山崎。連路梗塞。二帥遣兵擊之。陷。伏敗還。而山徒亦以護良來攻。二帥遣彌騎擊。走僧兵。因啗以利。又使近江守護佐佐木時信備之。高通通盛。又敗。則村于京南。而官軍將源忠顯大兵來攻。二帥悉甲乘。時信以

五千人擊走忠顯而結城親光遠降官軍士卒多逃二帥告急於鎌倉使者相踵四月高時遣名越高家足利尊氏等西上半守京師半攻行在高家朝時五世孫也與則村戰狐川被鮮甲挺前中箭死尊氏傍觀不戰下馬張飲遂降官軍合兵攻京師京師兵三萬大半吏胥不習戰二帥乃深溝固壘守之擊卻忠顯已而城兵大潰餘千餘人二帥聽宗秋議夜奉兩上皇新帝太子空城東走上兵環起而射太子以下四走矢中新主用時益死之天明又遇敵數百擊破而過明日至番馬驛遇上兵數千人奉龜山皇子守良夾路而陣宗秋擊破其前鋒而兵疲矢盡走入佛

寺與仲時謀欲據近江一城時近江守護殿而後待之不至仲時曰是亦叛矣乃謂其兵曰獻吾首於官軍是我所以報諸君之勞也乃自殺宗秋以下四百餘人從死新主兩上皇被取入京師高時未之知也獨聞尊氏叛則恐發上野下野等六國兵附弟泰家西上因徵糧於諸邑次至新田義貞邑義貞斬其吏高時大怒乃專北向其鋒遣金澤貞將櫻田貞國分道攻義貞貞國與義貞戰于入間河殺傷相當退次又米河明日又戰不利退次分陪高時遣泰家援之黎明令兵三千人齊射而全軍從之大破義貞軍既勝驕不設備會三浦義勝叛屬義貞合兵來襲泰家

駭走橫溝某安保某還鬪死之而小山千葉二族皆叛貞
將與戰敗走諸軍敗歸鎌倉則六波羅敗聞至矣內外失
色間日義貞三道來攻高時乃遣基時貞直守時守時
長時孫而足利尊氏妻兄也拒于囊坂大敗曰吾被猜疑
不若速死乃自殺貞直拒極樂寺坂敗退家臣本間某獲
罪家居是日出戰斬敵將大館宗氏獻首貞直而自殺貞
直感激冒敵陣死基時與義貞相持于假糶坂而義貞選
兵自稻村崎入縱火府中高時以千餘人逃于東勝寺先
瑩貞將戰死基時國時鹽飽聖遠父子皆自殺三道軍皆
潰安東聖秀自極樂寺軍還則府第已灰矣憤激曰百年

之跡何無一死節屍乎下馬將死其從女為義貞妻贈書
招降之聖秀作色謂使者曰吾姪士家女何為此無恥之
言而義貞亦不叫止之也以書握刀剖腹而死義貞軍進
入府中無復抗者獨長崎高資子高重力戰敵四面卒之
高重左右衝突所向皆披還見高時曰事已至此公自為
圖雖然臣猶欲一快戰公日待之乃乘其愛馬與百餘騎
撤幟裹刃雜入新田氏軍狙擊義貞垂及而覺敵兵圍之
高重乃大呼奮擊馬上掀敵一將投數步外敵軍辟易高
重走至東勝寺則高時以下方訣飲屬觴高重高重三醕
傳之攝津道準而自屠扶腸出之道準笑曰好下物也因

掀
子肖切飲尽酒也

裏一作

滿酌盡半以傳誣訪直性而死。直性與長崎圓喜皆死。高時乃自殺。從死者凡六百餘人。高時有二子。曰萬壽。龜壽。萬壽之母之兄五大院宗繁受高時遺託為匿萬壽。義貞購求高時遺胤宗繁欲斬送萬壽。而憚物議乃給萬壽曰。敵且來捕。宜逃伊豆。萬壽從之。宗繁走告義貞。追獲斬之。義貞疾宗繁所為將誅之。宗繁亡匿無舍者。道餓死。初泰家密諭誣訪盛高曰。萬壽既託宗繁矣。汝奉龜壽以為後圖。雖家兄自招禍。而天豈遽忘我祖宗德哉。時高時逃葛西谷。而龜壽猶孩。從在母所。盛高往言於眾婢曰。速付次郎我公欲訣之。聞太郎已死。次郎亦終難免耳。眾婢

皆泣。盛高佯怒取之而去。走信濃匿於誣訪祠官賴重家。泰家既遣盛高欲自脫走。為重傷歸鄉者狀卧者中。以鐵衣自覆。南部景家伊達匡衡昇之。令二卒繫新田氏號。騎而先導。走陸奥。餘兵三百餘人度其行遠。次第自殺。新田氏至。以為泰家已死也。鎌倉與六波羅間十五日皆夷滅。長門探題時直。時房第五子也。為土居氏得能氏所攻。航而東走。聞高時死。欲還筑紫。筑紫探題北條英時亦為少貳貞經所攻。殺時直。因貞經降宥死歸邑。尋病卒。淡河時治。時房孫也。初屯越前。阨北陸道。已而越中守護名越時有戰死。平泉僧兵來攻時治。時治與妻子皆自殺。時直時

重時本
作茂時
憲法作
憲房今
標後卷
改之以
從梅松
論大半
記諸書

治之亡。與鎌倉六波羅皆同月。是月。大佛高直。二階堂貞
藤。長崎高資等。解千窟圍。退保南都。七月。謀犯京師。官軍
來攻。高直等削髮而降。斬于阿彌陀峯。以貞藤嘗諫高時。
特宥死。歸邑。尋謀反。見誅。明年。赤橋重時。僧憲法。及本間
遊谷規矩。絲田氏等。並起。皆敗死。而泰家自陸奥潛來京
師。依藤原公宗。公宗。公經裔。與北條氏有舊。相俱窺伺朝
廷。時朝廷失政。天下士民皆思北條氏。泰家於是蓄髮。更
名時興。時龜壽在信濃。亦更名時行。約期攻京師。事覺。公
宗被誅。時興逃。不知所終。而時行與諏訪賴重招聚黨
故。旬日得五萬人。東攻足利直義。於鎌倉。走之。尊氏自京

師來討。時行遣名越時基。將三萬人逆擊。臨發。大風破屋。
時基更十日兼行。戰于橋本。後軍多亡者。且戰且退。阻相
摸河而陣。水方漲。時基不備。足利氏夜濟。時基大敗。與三
百人走歸。賴重使時行脫走。而與四十餘人。剝面自殺。足
利氏至。謂時行既死也。時行起兵。二旬而敗。世目之曰。二
十日前代。時行之起也。名越時兼亦起北國。及時行敗。為
加賀將士所攻滅。延元二年。時行遣使詣吉野。行在上。言
曰。臣父伏天誅。臣不敢怨。所怨者足利尊氏。世受恩於臣
家。而卒背之。今又困天子。臣願討尊氏。以贖父罪。詔許之。
尋以五千人發伊豆。從官軍將源顯家。擊走足利義詮。于

日本外史 卷之四
三十一
鎌倉退至美濃。與上杉憲顯等戰于青野原。轉戰至和泉。及顯家敗。終赴行宮。任左馬權頭。三年。從宗良親王。至遠江。擊破今川範氏兵于匹馬驛。從親王投井伊高顯。亦不知所終。

外史氏曰。北條氏之於源氏。則藤原氏之於王家也。皆不用寸兵尺鐵。而篡其國於衽席之上。何其易也。蓋人情莫不知親其宗。而顧謂不如妻黨之可倚也。於是削弱兄弟。疏斥親族。以為為子孫除患害。而不悟其自剪伐以資異姓。可不哀哉。源氏之成國也。固懸殊王家。而其謬計出王家所未為。故其取禍有更烈者。而北條氏之陰謀狡智。乃

非藤原氏所及也。鬪其骨肉。剪其手足。潛收默竊其權。而如己未嘗措手。及其得權。亦有所翼戴。而不敢自居。辭其名。而取其實。舍其利。而操其柄。使天下不能議己。子孫守其遺謀。而加以周密。終使帝王之廢立。攝錄之進退。盡取決於己。而如己無所關。不得已而為之措置。是北條氏家法所以能長持天下權衡焉。而至於盡心民事。前後武族所罕觀也。蓋自知其悖逆人神所不容。惴惴焉計以此贖之。而秦時其最者矣。世之論者。於秦時無所間然已。余謂承久之事。秦時其罪之魁也。何哉。使秦時之賢果如所傳乎。則既定禍難。擁大兵於輦下。諸大處分。莫不由己。其於

勸其父云々言泰時勸父詣
闕降而父不聽已獲兵泰
時乃問曰吾親征則何為
父曰親征則降之否而他
將則決戰前

越
越

朝廷與幕府往復之際。豈無所以善處之。已可以理導。又
可以勢禁。是之不思。而陷其父於大惡。雖有善政。寧贖其
罪邪。是知舊史所稱泰時勸其父。詣闕納降。不聽。臨發。問
遇親征則何為。曰。降之。否則決前。皆史氏為之。文過耳。不
足信也。至其立後。嗟峨亦出恩仇之私。論者謂之天命正
理。亦過褒矣。然北條氏七世。其可以人理論者。獨有泰時。
其他如義時輩。皆蛇虺鬼蜮。又曷足責歟。或傳義時誅深
見某者。而近其子。卒為所殺。噫。是其或然也。昔平清盛源
義仲。並稱兵抗上皇。皆除讒人而已。不敢遂其幽囚之計
也。然猶不免誅滅。如義時者。真無前逆賊而得脫叛名於

天網バツ二句老子語
恢々大也

武睡也

勢異一
作異勢

世。天其假手其臣僕斃之也。及其子孫。遇新田氏之斧鉞。
扶其巢穴。殲其醜類。天網恢恢。疎而不漏。豈不信哉。外史
氏曰。時宗之禦元虜。保我天子之國。足以償父祖之罪矣。
虜蓋以其所以恫喝趙宋者。來擬於我。我卻其使。不納。未
有曲直也。及彼以兵來脅。剪屠我邊疆。則曲在於彼。彼使
再來。不可不執。而戮之。折彼凶威。定我民志。奪其所挾。而
決死待之。可謂深中機宜矣。否則我幾何。而不為趙宋也。
其後唯菊池氏之待明。庶幾接武。足利氏屈膝外嚮。不足
言已。豐臣氏能不辱國體。勝足利氏萬萬。然至與明戰。張
皇太甚。內自困敝。雖攻守勢異。不及北條氏遠矣。北條氏

日本外史 卷之四 三十三

軍須 軍之資用也

制 唐書陸贄傳可任

則當要之於終不宜

制肘於內也

制及制切也

礮

匹狼切 礮石也

范蠡兵法飛石重三

斤為礮行三百步

又唐書李密傳以礮

發石為攻

城具

一無焉
字可上
有為字

日本外史卷四終
之策守則上著不煩徵發軍須不擾經費委任將帥不自
中制之其戰則憑陸誘寇走舸逆戰短兵急接皆可以為
後世之法也吾嘗觀鎮西士人所傳元寇圖卷虜盛以砲
礮臨我而我兵揮刀奮前虜不暇發焉蓋是時我未有火
器相敵吾是以知兵之勝敗在人不在器我長技自有在
焉可恃也

日本外史卷四終
其戰則憑陸誘寇走舸逆戰短兵急接皆可以為
後世之法也吾嘗觀鎮西士人所傳元寇圖卷虜盛以砲
礮臨我而我兵揮刀奮前虜不暇發焉蓋是時我未有火
器相敵吾是以知兵之勝敗在人不在器我長技自有在
焉可恃也

